

鑑類函

卷二十一之卷二十二

3-14
3

淵鑑類函卷二十

歲時部九

七月十五
蜡臘

小歲

中秋

歲除

九月

十月

七月十五日一

原道經曰七月十五中元之日地官校勾搜選人間分別善惡諸天聖衆普詣宮中簡定劫數人鬼傳錄餓鬼囚徒一時皆集以其日作元都大獻於玉京山採諸花果珍奇異物幢旛寶蓋清膳飲食獻諸聖衆道士於其日夜講誦是經十方大聖齊詠靈篇囚徒餓鬼俱飽滿免於衆苦得還人中荆楚歲時記曰七月十五日僧尼道俗悉營盆供諸寺院

增大明一統賦註云七月

十五爲中元節僧家有盂蘭盆會有司祭無祀鬼神

七月十五日二

原孟蘭盆經曰目連比丘見其亡母生餓鬼中即以鉢盛飯往餉其母食未入口化爲火炭遂不得食目連大叫馳還白佛佛言汝母罪重非汝一人力所奈何當須十方衆僧威神之力至七月十五日當爲七代父母現在父母厄難中者具百味五果以著盆中供養十方大德佛勅衆僧皆爲施主呪願七代父母行禪定意然後受食是時目連母得脫一切餓鬼之苦目連白佛未來世佛弟子行孝順者亦應奉盂蘭盆爲爾可否佛言大

善故後代人因此廣爲華飾乃至刻木割竹飴蠟剪綵
模花果之形極工妙之巧 又云有七葉功德並旛花

歌鼓果食送之蓋由此

禮

天竺云盃蘭此云倒懸救

器謂目連救母飢厄如解倒懸之具也今人遂飾食味
於盆亦誤矣 唐六典曰中尚署七月十五日進盃蘭

盆 開元遺事云明皇在便殿甚思姚元之論時務七

月十五苦雨不止泥濘盈尺上令待制者擡步輦召學
士來時元之爲翰長中外榮之 明皇實錄云三元日

宜令崇元學士講道德南華等經羣公咸就觀禮 會

要云開寶四年中元節京城張燈 孔帖云韓愈直諫

表曰近聞陛下七月十五日幸安國寺觀禮空王以爲
崇福示信示天下仁心 舊唐書曰代宗七月望日於
內道場造盂蘭盆飾以金翠所費百萬又設高祖以下
七聖神座備旛節龍繖衣裳之制各書尊號於旛上以
識之昇出內庭陳於寺觀是日排儀仗百寮序立於光
順門以候之旛花鼓舞迎呼道路歲以爲常而識者嗤
其不典其傷教之源始於王縉也 唐百官志曰中元
日非供祠不採魚 夢華錄曰東京中元賣冥器綵衣
以竹斫三脚如燈窩狀亦謂之盂蘭盆挂冥錢衣服在
上焚之 徽郡中元日薦新炊庀瓜果以祀先祖集族

衆宴聚而散夜置具度亡放水燈

七月十五日三

原獻佛 供僧 地官考校之元日 天人集聚之良

辰 道門寶蓋獻在中元 釋氏蘭盆盛於此日

增

慶月 齋日

修行記云七月月中元乃大慶之月

王建

鐘看取中元齋日到

張燈 泛舟

上詳七月十五日蘇東坡賦云

壬戌之秋七月既望蘇子與客泛舟遊於赤壁之下

七月十五日四

原百味 五果 中元 大獻 旛幢 花果 釋氏

託生

謝承後漢書云佛以癸丑七月十五日託生於淨住國摩耶夫人腹中至周莊王十年甲寅四月八

歲時部

增

七月十五

三

日衆僧解夏

荆楚記云十五日僧尼坐草爲一歲云四月八日結夏至七月十五日解衆僧以長

養之節在外恐傷草木蟲類故九十日安居又經云四月八日坐樹下至七月十五日爲一歲故曰衆僧解夏

日在張星 斗建申位 孟秋之望 中氣之辰

增元都會

詳七月十日一

七聖旛

詳七月十日二

集福世界

道藏經此日太上老君同元始天尊會集福世界

七月十五日五

增詩唐德宗七月十五日題章敬寺詩曰招提邇皇邑

複道連重城法筵會早秋駕言訪禪扃常聞大仙教清

淨宗無生七物匪吾寶萬行先求成名相旣雙寂繁華

奚所榮金風扇微涼遠煙凝翠晶松院靜苔色竹房深

磬聲境幽真慮恬道勝外物輕意適本非說含毫空復
情 盧拱中元日觀法事詩曰四孟逢秋序三元得氣
中雲迎碧落步章奏玉皇宮壇滴槐花露香飄柏子風
羽衣凌縹緲瑤轂輾虛空久慕餐霞客常悲習蓼蟲青
囊如可授從此訪鴻蒙 李郢中元夜詩曰江南水寺
中元夜金粟欄邊見月娥紅燭影迴僊態近翠環光動
見人多香飄彩殿疑蘭麝霧遶輕衣雜綺羅湘水夜空
巫峽遠不知歸路欲如何

原賦楊炯孟蘭盆賦曰渾元告秋羲和奏曉大陰望兮
圓魄皎闔闔開兮涼風嫋四海澄兮百川晶陰陽肅兮

天地官掃離宮清重閣設皇邸張翠幕鸞飛鳳翔燄陽
倏爍雲舒霧布翕赫矚霍陳法供飾孟蘭壯神功之妙
物何造化之多端青蓮吐而非夏頰果搖而不寒銅鐵
鉛錫瓊琳琅玕映以甘泉之玉樹冠以承露之金盤憲
章三極儀形萬類上寥廓兮法天下安貞兮象地殫怪
力窮神異少君王子掣曳兮若來玉女瑤姬翩躑兮必
至鳴鸛鶴與鸞鸞舞鷓雞與翡翠毒龍怒兮赫然狂象
奔兮沉醉怖魍魎潛魑魅離婁明目不足見其精微匠
石洗心不足徵其奧秘續續紛紛氤氲氤氲五色成文
若榮光休氣發采於重雲蓓蓓燦燦煥煥爛爛三光壯

觀若合璧連珠耿曜於長漢夫其遠也天台巖起繞之以赤霞夫其近也削成孤峙覆之以蓮花晃兮瑤臺之帝室絕兮金闕之仙家其高也上諸天於大梵其廣也遍法界於恒沙上可以薦元符於七廟下可以納羣動於三車

中秋一

增禮記曰天子春朝日秋夕月朝日以朝夕月以夕

周禮曰中春晝擊土鼓吹豳雅以逆暑中秋夜迎寒亦如之 提要錄曰八月十五爲月夕 瑣碎錄曰中秋

無月則兔不孕蚌不胎蕎麥不實中秋有月是歲多珠

原枚乘七發客曰將以八月之望與諸侯遠方交遊
兄弟並往觀濤於廣陵之曲江

中秋二

原諸山記曰武夷山神號武夷君秦始皇二年一日語
邨人曰汝等以八月十五日會山頂是日邨人畢集見
幔亭彩屋設寶座施紅雲紫霞褥器用甚設令男女分
坐聞空中人聲不見其形須臾樂響亦但見樂器不見
其人酒行命食味皆甘美唯酒差薄諸仙旣去衆皆欣
喜因與神君同會名其地曰同庭 武夷山記曰玉皇
與太姥魏真人武夷君建幔亭綵屋是日與鄉人宴飲

曰汝等皆吾之曾孫也

增晉書曰謝尚鎮牛渚中秋

夕與左右微服泛江會袁宏於別舫諷詠聲韻清朗詞意藻拔尚即逆宏舟吐華達旦

明皇雜錄云上與太

真葉法靜八月望日遊月宮少頃見龍樓雉堞金闕玉扉冷氣逼人後西川奏其夕有天樂過

宣室志云唐

太和中周生善道術中秋客至周曰我能梯雲取月置

懷袖中因取筯數百條繩梯架之閉目良久忽天黑仰

視無雲俄呼曰至矣手舉其衣出月寸許一室盡明寒

入肌骨食頃如初

三水小牘云趙知微有道術中秋

積陰不解知微曰可備酒殽登天柱峰玩月既出門天

色開霽及登峰月色如畫比下山淒風苦雨陰晦如故
夢華錄曰中秋夕貴家結飾臺榭民家爭占酒樓玩
月笙歌遠聞市里嬉戲連坐至曉 仙釋傳奇云鍾陵
西山有遊帷觀每至中秋車馬喧闐十里若闐闐豪家
貴遊多召名姝善謳者夜與丈夫間立握辭連踏而唱
以應答敏捷者爲勝太和末有書生文簫往觀覩一姝
甚麗其詞曰若能相伴陟仙壇應得文簫駕綵鸞自有
綵繡并甲帳瓊臺不怕雪霜寒生意其神仙植足不去
姝亦相吟歌罷獨秉燭穿大松逕將盡陟山捫石冒險
而升生躡其蹤姝曰莫是文簫耶相引至絕頂坦然之

地後忽風雨裂帷覆機俄有仙童持天判曰吳綵鸞以私欲洩天機謫為民妻一紀妹乃與生下山歸鍾陵

中秋三

增投錢

獻鏡

集異記明皇八月望夜與葉法喜同遊月宮還過潞州城上俯視城郭悄然而

月色如畫法喜因請上以玉笛奏曲時玉笛在寢殿中法喜命人取之旋頃而至曲奏既復以金錢投城中而

還旬餘潞州奏是夜有天樂臨城兼獲金錢以進按佛經法喜謂見法生歡喜也葉名法喜蓋取於此或作法

善恐非喜處州人明皇嘗贈以詩清溪道士人不識上天下天鶴一隻洞門深鎖碧窻寒滴露研朱點周易今

處州有點易亭三體唐詩作高駢詩唐太宗記出

丹擲杖

唐明皇雜錄

八月十五夜葉靜能出丹二粒

中秋夜侍明皇於宮中翫月奏曰陛下能從臣月中遊否乃取拄杖向空擲之化為大橋其色如銀請帝同登

歲時部

開盤頁西卷三十

中秋

二

約行數十里精光奪目寒氣侵人遂至大城關公遠曰
此月宮也見仙女數百皆素練霓裳舞於廣庭帝問曰
此何曲也曰霓裳羽衣曲也帝密記其聲調而回卻顧
其橋隨步而滅旦召伶官依其聲作霓裳羽衣之曲顧
文酒宴 水調歌 天寶遺事蘇頌與李又對掌文誥
禁中直宿諸學士備文酒之宴時長天無雲月色如晝
蘇曰清光可愛何用燈燭遂命撤去復雅歌詞東坡
居士以丙辰中秋歡飲達旦大醉作水調歌詞都下
傳唱神宗問內侍外面新行小詞內侍錄此進呈讀至
又恐瓊樓玉宇高處不勝寒上曰 光屬林間 影移
蘇軾終是愛君乃命量移汝州曰
殿外 酉陽雜俎長慶中有人中秋夜見月光屬林間如
不見月詩明年強健更相約會見林
間金背墓 下見唐許渾中秋月詩

中秋四

增 陰晴同

使燕錄中秋天色陰晴與夷狄同蘇東坡曰
故人史生為予言嘗見海賈云中中秋之月雖

相去萬里他日會合相問陰晴無不同者公集中有
秋詩嘗聞此宵月萬里同陰晴天公自著意此會那可
輕又詠月詩暮雲收盡溢清寒銀漢無聲轉
玉盤此生此夜不常好明月明年何處看
寒暑均唐
陽詹翫月詩序月之為翫冬則繁霜大寒夏則蒸雲大
熱雲蔽月霜侵人蔽與侵俱害翫秋之於時後夏先冬
八月於秋季始孟終十五於夜又月中
稽之天道則寒暑均取之月數則蟾蜍圓
唐明皇中秋與貴妃臨太液池凭欄望月不盡帝意遂
勅左右於太液池西別築高臺與妃子來年望月後經
祿山亂不
復置焉
上梯取月詳中
秋二

中秋五

增詩唐李嶠中秋月詩曰盈缺青冥外東風萬古吹何
人種丹桂不長出輪枝又曰桂魄上寒空皆言四海
同安知千里外不有雨兼風杜甫八月十五夜月詩

曰滿目飛明鏡歸心折大刀轉蓬行地遠攀桂仰天高
水路疑霜雪林棲見羽毛此時瞻白兔直欲數秋毫
又曰稍下巫山峽猶銜白帝城氣沉全浦暗輪側半樓
明刁斗皆催曉蟾蜍且自傾張弓倚殘魄不獨漢家營
許渾八月十五夜宿鶴林寺翫月詩曰待月東林月
正圓廣庭無樹草無煙中秋雲淨出滄海半夜露寒當
碧天輪影漸移金殿外鏡光猶挂畫樓前莫辭達曙殷
勤望一隴西巖又隔年韓偓中秋禁直詩曰星斗疎
明禁漏殘紫泥封後獨憑欄露和玉屑金盤冷月射珠
光貝闕寒天襯樓臺歸苑外風吹歌管下雲端長卿只

爲長門賦未識君臣際會難 陸龜蒙中秋待月詩曰
轉缺霜輪上轉遲好風偏似送佳期簾斜樹隔情無限
燭暗香殘坐不辭最愛笙調聞北里漸看星斗失南箕
何人爲校清涼力欲減初圓及午時 宋秦觀中秋月
詩曰雲山簷楯接低空公宴初開氣鬱蔥照海旌旛秋
色裏激天鼓吹月明中香槽旋滴珠千顆歌扇驚圍玉
一叢二十四橋人望處台星正在廣寒宮

九月九日一

原風土記曰九月九日律中無射而數九俗尚此日折
茱萸房以插頭云辟除惡氣而禦初寒 荆楚歲時記

曰九月九日土人並集野飲宴 臨海記曰郡北四十步有湖山山甚平正可容數百人坐民俗極重每九日菊酒之辰讌會於此山者常至三四百人

增玉燭寶

典云九日食餌其時黍稌並收因以黏米加味嘗新歲時雜記曰二社重陽尚食糕而重陽為盛大率以棗為之或加以栗亦有用肉者 夢華錄云都人重九各以粉麩蒸糕相遺上插剪綵小旗糝釘果實如榴栗銀杏松實之類 金門歲節記云洛陽人家重陽作迎涼脯羊肝餅佩癭木符

九月九日二

原西京雜記曰漢武帝宮人賈佩蘭九月九日佩茱萸

食蓬餌飲菊花酒云令人長壽相傳自古莫知其由禮周

籩人職曰羞籩之實糗餌餈干實注曰糗餌者豆末屑米而蒸之以棗豆之味今餌餈也方言餌謂之糕或

謂之晉陽秋曰寧康三年九月九日上嘗講孝經謝

安侍坐陸納卞耽執讀謝石袁宏執經車胤王溫摘句

續晉陽秋曰陶潛嘗九月九日無酒宅邊東籬下菊

叢中摘菊盈把坐其側未幾望見白衣人至乃王弘送

酒也即便就酌醉而後歸續齊諧記曰汝南桓景隨

費長房遊學累年長房謂之曰九月九日汝家當有灾

厄急宜去令家人各作絳囊盛茱萸以繫辟登高飲菊

歲時部
續監類函卷二十
九月九日

花酒此禍可消景如言舉家登山夕還家見雞狗牛羊
一時暴死長房聞之曰代之矣今世人每至九日登山
飲菊酒婦人帶茱萸囊是也 孟嘉傳曰嘉爲桓溫叅
軍旣和而正溫甚重之九月九日溫遊龍山參僚畢集
時佐吏並著戎衣有風至吹嘉帽墮落不覺溫謂左右
及賓客勿言以觀其舉止 姑孰記曰縣南十里有九
井山即殷仲文九日從桓公九井賦詩之所 **增**南史
曰蕭子顯爲邵陵王友天監六年始預九日朝宴稠人
廣坐獨受旨云今雲物甚美卿何不斐然賦詩詩旣成
又降旨曰可謂才子子顯退謂人曰一顧之恩非望而

至遂方賈誼未易當也 唐書曰王勃道出鍾陵九月
九日都督大宴滕王閣宿命其壻作序以夸客因出紙
筆遍請客莫敢當至勃泛然不辭都督怒起更衣遣吏
伺其文輒報少頃成文乃歎曰天才也極歡而罷 景
龍文館記云景龍三年九月九日中宗幸臨渭亭登高
賦詩學士皆屬和 又曰九月九日中宗幸慈恩寺登
浮圖羣臣獻菊花酒稱壽昭容賦詩 隋唐嘉話云故
事九月九日賜王公以下射中鹿鳴賜馬第一賜綾其
餘布帛有差至開元八年秋舍人許景先以爲徒耗國
用而無益於是罷之 集異記曰明皇重陽日獵於沙

苑有鴈飛帝射中之鴈帶箭西南而去益州道觀第一院有道士徐佐卿寄寓一日自外持一箭來曰吾行山中爲飛矢所傷已無恙因挂箭於壁書其月日且云此後十年箭主到此付之後明皇幸蜀至此觀乃見箭

續仙傳曰潤州鶴林寺有杜鵑花高丈餘每春末爛熳節使賓僚一城士庶無不賞玩者時或見三女子紅裳艷裝共遊花下俗傳花神也周寶鎮浙西謂道人殷七七曰鶴林之花天下竒絕聞君能非時開花今重九將近君能開此花副此日乎七七曰可乃前二日宿鶴林寺中中夜女子來謂七七曰妾爲上元所命下司此花

今與道者共開之來日晨起寺僧忽訝花漸拆藥及九日爛熳如春乃以聞寶與一城士庶咸驚之游賞復如春間

九月九日三

原王酒

賈餽

俱詳九月九日二

登山

坐湖

上詳九月九日二 顏測

九日坐北湖聯詩曰亭席斂徂蕙澄酒泛初蘭

落帽

佩符

上詳九月九日二 下詳九月九日

九日

服黃華

佩赤實

太清諸草木方曰九月九日採菊花與茯苓松脂久服之

令人不老禮記曰菊有黃華西京雜記曰九月九日佩茱萸令人長壽爾雅曰椒櫛醜茱郭璞注曰本草茱萸一名檄而

揚鑿戾行宮

商風凝素籥

上見謝瞻詩 下見

賀凱九

增鳳嶺宴

龍沙會

襄陽記宋武陵王駿為刺史改馬鞍山為望楚

歲時部

增

九月九日

山後遂龍飛人號為鳳嶺高處有三陞即劉弘山簡九日宴賞之所唐權德輿龍沙宴會詩龍沙重九會于

騎駐旌旂詩戲少卿宴叅明允蘇軾在杭於九日望見有美堂上魯少卿飲以

詩戲之曰指點雲間數點紅笙歌正擁紫髯翁誰知愛酒龍山客却在漁舟一葉中宋韓忠獻嘗遇重陽置

酒私第惟歐陽文忠公與一二執政而蘇明允以布衣叅其間都人以為異禮席間賦詩明允有佳節屢從愁

裏過壯心還倚醉中來之句其志氣不少衰如此

九月九日四

原泛菊齊民月令曰重陽日必以糕酒登高賜菊魏武

鍾繇書曰九月九日草木遍遊龍山詳九月二日戲馬臺

枯而菊芬然獨秀今奉一束彭城九月九日望楚山詳

南齊書曰宋武帝為宋公在彭城九月九日望楚山詳

日登項羽戲馬臺至今相承以為故事

月九日商飈館南齊書曰武帝永明五年九月巳丑詔曰

日三商飈館九日出商飈館登高宴羣臣辛卯車駕幸

商賤館館上所立在孫陵一講孝經詳九月二日習馬射齊南

寺岡世呼為九日臺者也

書以九月九日馬射或說秋金菊制齡陶潛詩云酒

氣講武習射象漢立秋之禮

為制莫繫辭詳九月二日無射紹候詳九月一日順陽應節鍾

顏齡

新菊賦曰於惟季秋九月

九日順陽應節爰鍾福靈

勁風肅林鳴鴈驚時范

驚時秦九日九月九日詩曰勁風肅林阿鳴鴈

平二年秋朝廷以九月舊俗登高豫章記云龍沙郡北

而陂有龍形舊俗為

九月九日登高處

授衣之月

落帽之辰

九井

賦詩詳九月二日凌竄作賦見九月五日增賜橘說寶唐太宗於此日

在蓬萊殿賜羣臣

賒酒杜甫詩曰每恨陶彭澤無錢對

詩題糕字邵氏聞見後錄劉夢得作九日詩欲用糕

字以五經中無此字不復為宋子京以

歲時部

尚監類白卷二十

九月九日

爲不然故九月食糕詩廳館輕霜拂曙袍糗餈花飲鬪
分曹劉郎不敢題糕字空負詩家一代豪遂爲古今絕
唱

不敢食糕

嘉話錄表師德給事中高之子九日客
出糕謂坐客曰某不忍喫請諸公食俛

首久之蓋以父名
高故不忍食糕也

曲江別會

唐韋綬爲集賢院學士
九月九日宴羣臣於曲

江綬請集賢學士得
別會帝一一順從

文峰戲登

江南野史唐尹氏善歌
因重陽與羣女戲登南

山文峰而同輩命之歌乃聲
聲聞數里故俗者舊云尹氏之歌聞於長安

九月九日五

原詩宋謝瞻九日從宋公戲馬臺詩曰風至授寒服霜

降休百工巢幕無留鷺遵渚有來鴻輕霞冠秋日迅商

薄清穹聖心眷嘉節揚鸞戾行宮四筵霑芳醴中堂起

絲桐扶光迫西汜歡餘宴有窮 宋謝靈運九日從宋

公戲馬臺送孔令詩曰季秋朔邊苦旅鴈違霜雪淒淒
陽卉腓皎皎寒潭潔良辰感聖心雲旗興暮節鳴笳戾
朱宮蘭卮獻時哲歸客逐海隅脫冠謝朝列河流有急
瀾浮驂無緩轍 齊竟陵王蕭子良九日侍宴詩曰月
殿風轉層臺氣寒高雲斂色遙露已溥式詔司警言戾
秋巒輕觴特薦落英可餐 齊王儉侍皇太子九日元
圃宴曰明明儲后沖默其量徘徊禮樂優游風尚微言
外融機神內王就日齊暉儀雲等望本茂條榮源澄流
潔漢稱間平周云魯衛咨我藩華方軌前軼秋日在房
鴻鴈來翔寥寥清景靄靄微霜草木搖落幽蘭獨芳眷

言淄苑尚想濠梁既暢旨酒亦飽徽猷有來斯悅無遠
不柔 梁簡文帝九日侍皇太子樂遊苑詩曰離光麗
景神英春裕副極儀天金鏘玉度監撫昭明善物宣布
惠潤琨瓊澤熙垂露秋晨精曜駕動宮闈露點金節霜
沉玉璣元戈側影翠羽翻暉庭迴鶴蓋水照犀衣蘭羞
薦俎竹酒澄芬千音寫鳳百戲承雲紫燕躍舞赤兔越
空橫飛鳥箭半轉蛇弓 又九日賦韻詩曰是節協陽
數高秋氣已精簷芝逐月啓帷風依夜清遠燭承歌黛
斜橋聞履聲梁塵下未息共愛賞心并 梁沈約爲臨
川王九日侍太子宴詩曰涼風北起高鴈南翻葉浮楚

水草折梁園淒清霜野惆悵晨鷗雲輕寒樹日麗秋原
三金廣飾六羽高陳寒英始獻涼酎初醇靡靡神襟鏘
鏘羣彥思媚儲猷洽和奉宴恩暢蘭席歡同桂殿景遽
樂推臨風以眷麗景天枝位非德舉任伍辰階祚均河
楚負岳未勝瞻雲難侶望古興惕心焉載佇 又九日

侍宴樂遊苑詩曰憑玉宅海端宸御天上流飛壑靜震
騰川凝神貫極摛道漏泉西裘委任南風在絃暮芝始
綠年桂初丹上林葉下滄池水寒霜霑玉樹鴈動輕瀾
停蹕玉陛徙衛璇墀瑠箱鳳綵羽蓋鸞姿虹旌迢遞翠
華歲蕤禮弘灞汭義高洛湄 梁丘遲九日侍宴樂游

苑詩曰朱明已謝蓐收司禮爰理秋被備揚旌祭奉璋
峩峩金貂濟濟上林弘敞離宮非一綵殿迴風丹樓映
日隨珠甲帳屯衛周悉睥容徐動天儀澄謐雲物游颺
光景高麗枯葉未落寒花委砌絲桐激舞楚雅閑慧參
差繁響殷勤流詣 梁任昉九日侍宴樂遊苑詩曰帝
德峻韶夏王功書頌平共貫沿五勝獨道邁三英我皇
撫歸運時乘信告成一唱華鍾石再撫被絲笙黃草歸
雒木梯山薦玉榮時來濁河變瑞起溫洛清物色動神
眷民豫降皇情 梁劉苞九日侍宴樂遊苑正陽堂詩
曰六郡良家子幽并遊俠兒立乘爭飲羽倒騎競紛馳

鳴珂設華旄金鞍映玉羈膳羞殫海陸和齊眠秋宜雲
飛雅琴奏風起洞簫吹曲終高宴罷景落樹陰移微薄
承嘉惠飲德良不貲取効績無紀感恩心自知 梁王
脩己九日詩曰霜威始落翠寒氣初入堂隋珠爛似燭
懸黎疑夜光舞步因弦折歌聲隨袂揚夜深聞漏緩簷
虛覺唱長 梁劉孝威九日酌菊花酒詩曰露花疑始

摘羅衣似適熏餘杯度不取欲持嬌使君 梁何遜爲

西豐侯九日侍宴樂遊苑詩曰皇德無與讓重規襲帝
勳垂衣化比屋卷領慎爲君翺飛悅有道卉木荷平分
宸襟動時豫歲序屬涼氛城霞旦晃朗槐霧曉氤氳鸞

和馳八襲鳳駕起千羣羽觴歌湛露佾舞奏承雲禁林
終宴晚華池物色曛疎樹翻高葉寒流聚細文晴軒連
瑞氣飛惹御香芬 梁庾肩吾侍宴九日詩曰轍跡光
周頌巡遊盛夏功鉤陳萬騎轉閭闔九門通秋暉逐行
漏朔氣繞相風獻壽重陽節迴鸞上苑中疏山開輦道
間樹出離宮玉醴吹巖菊銀牀落井桐飲羽山西射浮
雲冀北驄塵飛金埒滿葉破柳條空 北周王褒九日
從駕詩曰黃山獵地廣青門官路長律改三秋節氣應
九鐘霜曙影初分地暗色始成光交旆長秋坂緹幕杏
間堂射馬垂雙帶豐貂佩兩橫苑寒梨樹紫山秋菊葉

黃華露菲菲冷輕颺颺揚終慙屬車對空假侍中郎
隋江總衡州九日詩曰秋日正淒淒茅茨復蕭瑟姬
人薦初醞幼子問殘疾園菊抱黃華庭榴剖朱實聊以
著書情暫遣他鄉日 又九月九日至微山亭詩曰心
逐南雲逝形隨北鴈來故鄉籬下菊今日幾花開 賀
凱奉和九月九日詩曰商飈凝素籥元覽賁黃圖曉霜
驚斷鴈晨吹結棲鳥寒花低岸菊涼葉下庭梧澤宮申
舊典相圃叶前模玉砌分雕戟金溝轉鏤戩帶星飛夏
箭映月上軒弧慶展簪裾洽恩融風露濡天文發丹篆
寶思掩元珠承歡徒聳抃負弛竊忘軀

增唐李白九

月九日詩曰今日雲景好水綠秋山明攜壺酌流霞
菊泛寒榮地遠松石古風揚絃管清窺觴照歡顏
獨笑還自傾落帽醉山月空歌懷友生 王勃九日詩曰九
日重陽節開門有菊花不知來送酒若箇是陶家 孟
浩然九日詩曰九日未成旬重陽即此辰登高聞故事
載酒訪幽人落帽恣歡飲授衣同試新茱萸正可佩折
取寄情親 杜甫九日詩曰舊日重陽日傳杯不放杯
即今蓬鬢改但愧菊花開北關心長戀西江首獨迴茱
萸賜朝士難得一枝來 又曰舊與蘇司業兼隨鄭廣
文采花香泛泛坐客醉紛紛野樹欹還倚秋砧醒却聞

歡娛兩冥冥西北有孤雲 又九日藍田崔氏莊詩曰
老去悲秋強自寬興來今日盡君歡羞將短髮還吹帽
笑倩旁人為正冠藍水遠從千澗落玉山高並兩峰寒
明年此會知誰健醉把茱萸子細看 又九日登梓州
城詩曰客心驚暮序賓鴈下襄州共賞重陽節言尋戲
馬遊湖風秋戍柳江雨暗山樓且酌東籬菊聊祛南國
愁 嚴維九日陪崔郎中北山讌詩曰上客南臺至重
陽此會文菊芳寒露洗杯翠夕陽曛務簡人同醉溪間
鳥自羣府中官最小惟有孟參軍 朱灣九日登香山
詩曰昔人惆悵處繫馬又登臨舊地煙霞在多時草木

深水將空合色雲共我無心緬想龍山會良辰亦似今
李羣玉九日詩曰玉醴泛金菊雲亭敞玳筵晴山低
畫浦斜鴈遠書天謝朓離都日殷公出守年不知瑤水
宴誰和白雲篇 杜牧九日詩曰金英繁亂拂欄香明
府辭官酒滿缸還有玉樓輕薄女笑他寒燕一雙雙
耿滄九日詩曰重陽寒寺滿秋梧密在南樓顧老夫步
蹇強登遊藻井髮稀那更插茱萸橫空過雨千峰出大
野新霜萬葉枯更望樽中菊花酒殷勤能得幾回沽
沈佺期奉和九日幸臨渭亭登高應制得行字詩曰御
氣幸金方憑高薦羽觴魏文頒菊藥漢武賜萸囊去鶴

留笙吹歸鴻識舞行臣歡重九慶日月奉天長 李义
奉和九日幸臨渭亭登高應制得龍字詩曰望幸紆千
乘登高自九重臺疑臨戲馬殿似接疏龍捧篋萸香徧
稱觥菊氣濃更看仙鶴舞來此慶時雍 杜審言重九

日宴江陰詩曰蟋蟀歸期晚茱萸節候新降霜青女月
送酒白衣人高興要長壽卑栖隔近臣龍沙即此地舊
俗坐爲鄰 宋韓琦重九會光化二園詩曰誰言秋色
不如春及到重陽景自新隨分笙歌行樂處菊花萸子
更宜人 蘇軾次韻蘇伯固主簿重九詩曰雲間朱袖

拂雲和應是長松挂女蘿髻重不嫌黃菊滿手香新喜

綠橙搓墨翻衫袖吾方醉紙落雲煙子更多只有黃雞
與白髮玲瓏應識使君歌 程俱九日寫懷詩曰節物

驚心兩鬢華東籬空繞未開花百年將半仕三已五畝
就荒天一涯豈有白衣來剝啄亦從烏帽自欹斜真成
獨坐空搔首門柳蕭蕭噪暮鴉 王安石九日登東山

寄昌叔詩曰城上啼烏破寂寥思君何處坐峇堯應須
綠酒醕黃菊何必紅裙弄紫簫落木雲連秋水渡亂山
煙入夕陽橋淵明久負東籬醉猶分低心事折腰 朱

子九日詩曰去歲瀟湘重九時滿城寒雨客思歸故山
此日還佳節黃菊清樽更晚暉短髮無多休落帽長風

不斷且次衣相看下視人寰小祇合從今老翠微
元
薩都刺九日登石頭城詩曰九日吟鞭聚石頭翠微高
處倚晴秋西風不定鴈初度落木無邊江自流兩眼欲
窮天地觀一杯深護古今愁烏臺賓主黃華宴未必龍
山是勝遊
張養浩九日詩曰一行作吏廢歡游九日
登臨擬盡酬詩有少陵難著語菊無元亮不成秋雲山
自笑頭將鶴人海誰知我亦鷗幸遇佳辰莫辭醉浮雲
今古劇悠悠
周權九日詩曰座上風流憶孟嘉憑高
目斷楚天涯百年歲月催蓬鬢十載江湖負菊花小雨
釀寒侵白苧西風憐醉避烏紗閒攜榔栗吟歸路流水

殘雲帶晚鴉 明高啓九日陪諸閣老食賜糕次謝授
經韻詩曰叨陪講席接詞曹曉禁霜花點素袍院貯圖
書西掖靜雲連宮殿碧山高故園莫憶黃花酒內府初
嘗赤棗糕最愛鳳毛今復見便令池上一揮毫

原賦宋傅亮九月九日登凌囂館賦曰歲九旻之暮月
肅晨駕而北逝度迴壑以停轅凌孤館而遠憩何物慘
而節哀又雲悠而風厲悴綠繫於寒渚隕豐灌於荒澁
玩中原之芬菊惜蘭圃之彫蕙旌竹柏之勁心謝梧楸
之零脆爾乃流眄平隰落日還臯千感具盈在物同騷
聆離鷗之悽響聽鳴林之瀏飈彼遊子之苦傷每寤歎

於我勞矧集悲而鍾苦疚寸心其如忉眇天末以遙瞪
怨故鄉之阻遼

原書魏文帝與鍾繇書曰歲往月來忽復九月九日九
為陽數而日月並應俗嘉其名以為宜於長久故以享
宴高會是月律中無射言羣木庶草無有射而生至於
芳菊紛然獨榮非夫含乾坤之純和體芬芳之淑氣孰
能如此故屈平悲冉冉之將老思餐秋菊之落英輔體
延年莫斯之貴謹奉一束以助彭祖之術

蜡臘一

原風俗通曰禮傳曰夏曰嘉平殷曰清祀周曰大蜡漢

改曰臘臘者獵也因獵取獸祭先祖也

或曰臘接也新故交接狎獵大

祭以報功也

又曰菟髓俗說臘正祖食得菟髓者名之曰

幸賞以寒酒幸善吉祥令人吉利也

禮記曰天子大

蜡八

八蜡者一先嗇二司嗇三農四郵表嘏五貓六虎七坊八水庸也

伊耆氏始爲蜡

蜡者索也歲十二月合聚萬物而索饗之

周禮曰國

祭蜡則歛鬻頌擊土鼓以息老物

謂萬物老成以息勞也

漢書

曰臘者報諸鬼神古聖賢有功於民者也

增唐六典

云中尚暑臘日進衣香囊

又云冬臘日前寅蜡百神

於南郊

原蔡邕獨斷曰臘者歲終大祭縱吏民宴飲

非迎氣故但送不迎也

韓子曰山居谷汲者媵臘而

買水 徐爰家儀曰蜡本施祭故不賀 玉燭寶典曰

臘者祭先祖蜡者報百神同日異祭也漢以戌日為臘

魏臺訪議曰王者各以其行盛日為祖衰日為臘漢火德火衰於戌故以戌日為臘魏以辰

土衰於辰故以辰為臘 晉以丑 晉金德金衰於丑故以丑為臘 荆楚歲時記曰

諺云臘鼓鳴春草生邨人並擊細腰鼓戴胡頭及作金

剛力士以逐疫 養生要曰十二月臘夜令人持椒卧

井旁無與人言内椒井中除温病 **增**金門歲節云洛

陽人家臘日造脂花燄

蜡臘二

原禮記曰子貢觀於蜡孔子曰賜也樂乎對曰一國之

人皆若狂賜未知其樂也子曰百日之蜡一日之澤非

爾所知也

蜡之祭勞農以休息之言民勤稼穡有百日之勞今日飲酒宴樂君之恩澤也非爾所知

其義大也

左傳曰晉侯假道於虞以伐虢宮之奇諫弗聽

以其族行曰虞不臘矣 史記曰秦惠文公十二年初

臘始皇三十一年更名臘曰嘉平 東觀漢記曰甄宇

北海人建武中青州從事徵拜博士每臘詔賜博士羊
人一頭羊有大小肥瘦時博士祭酒議欲殺羊稱分其
肉宇曰不可又欲投鉤宇復恥之宇因先自取其最瘦
者 袁山松後漢書曰韓卓字子助陳留人臘日奴竊
食祭其先人卓義其心即白免之 謝承後漢書曰沛

國陳咸爲廷尉監王莽篡位還家杜門不出莽改易漢
法令及臘日咸常言我先祖何知王氏臘乎 又曰第
五倫母老不能之官每至臘日常悲戀垂淚 搜神記
曰宣帝時陰子方者至孝有仁恩常臘日晨炊而竈君
神形見子方再拜受慶家有黃羊刲以祀之自是以後
暴至巨富故後常以臘日祀竈 鄭元別傳曰元年十

二隨母還家正臘宴會同列十數人皆美服盛飾語言
閑通元獨漠然如不及父母私督數乃曰此非吾志不
在所願 列女傳曰魯之母師者魯九子之寡母也臘
日休家作者歲祀禮事畢悉召諸子會曰婦人之義非

有大故不出夫家然吾父母家多幼稚歲時禮不理吾
從汝謁往監之諸子皆稽首唯諾又召諸婦曰婦人有
三從之義無專制之行少繫於父母長繫於夫老繫於
子今諸子許我歸私家雖踰婦禮願與少子俱以脩婦
人出入之制諸婦其慎房戶之守吾夕而反於是使少
子僕而歸 會稽典錄曰陳脩烏傷人家貧爲吏常步
擔上下恒食乾糗每至正臘僵仆不起同寮飲食請不
肯往其志操如此 世說曰王朗中年以識度推華歆
歆蜡日常集子姪宴飲王朗亦學之有人向張茂先稱
此事茂先曰王之學華皆是形骸之外去之所以更遠

華陽國志曰王長文字德雋元康初試守江源令縣
收得盜馬賊及發塚賊長文引前誘慰時遇臘晦皆遣
歸家獄先有繫囚亦遣之謂曰教化不厚使汝等如此
長文過也蜡節慶祚歸就汝上下善相歡樂過節來還
當爲汝思他理羣吏惶懼爭請不許尋有赦令無不感
恩所宥人誓不爲惡曰不敢負王君也 陳留志曰范
喬字伯孫邑人臘日多盜斫其樹人有告喬佯弗聞邑
人愧而歸之喬曰卿臘日取此欲與父母相歡娛耳
梁書曰何鳳爲建安太守物不敢忤伏臘每放囚還家
依期而返

增唐景龍文館記曰景龍三年臘日帝于

苑中召羣臣賜臘晚自北門入於內殿賜食加口脂臘
脂盛以碧鏤牙筩 唐會要曰貞元九年十一月上曰
比來京兆府每年及臘日府縣捕養狐兔以充進獻自
今以後宜停 唐書曰蕭炅李林甫所引不知書嘗與
嚴挺之言稱蒸嘗伏臘乃爲伏獵挺之白張九齡曰省
中有伏獵侍郎乎出炅爲岐州刺史林甫恨之 唐會
要曰貞元十一年十二月臘日畋於苑中止多殺行三
驅禮軍士無不知感

蜡臘三

嘉平

明祀

上詳蜡臘一

進清醑以告蜡

周處風土記曰

竭恭敬於明祀

魏丑

漢成

晉宋舊事曰魏帝遜位祖以酉日臘以丑日魏名臣奏曰大司農董遇議曰土行之君故宜以

未祖以丑臘為得盛終之節不可

祠彘

磔雞曰高

祖十年春有司奏令縣道常以春二月及臘祠社稷以羊彘王肅儀禮曰季冬大雩旁磔雞出土牛以送寒

氣即今之臘除逐疫屬

魏辰

晉丑

魏臺訪議曰詔問

臣崇對曰按月令孟冬十月臘先祖五祀謂薦田獵所得禽獸謂之臘左傳曰虞不臘矣惟見此二者而皆不

書日間先師說曰王者各以其行之盛祖以其終臘水始生於申盛於子終於辰故水行之君以子祖辰臘火

始生於寅盛於午終於戌故火行之君以午祖戌臘木始生於亥盛於卯終於未故木行之君以卯祖未臘金

始生於巳盛於酉終於丑故土行之君以酉祖丑臘土

魏據土德宜以戌相辰臘晉起居注曰勞農縱

安帝隆安四年十二月辛丑臘祀作樂曰勞農縱

吏司馬處續漢志曰季冬之月星昴歲終陰陽

歲時部 蠟臘 蠟臘

祭獸

上詳魏辰注

晨炊

冬釀

上詳蜡臘二

禮記曰天子

乃祈年於天

月上辛命典饋清麩

祈五祀

祭百神

乃祈年於天

宗大割牲祠於公社及後壬戌臘祭百神

祭百神

祈天宗

禮記

報先嗇

月令天子祈年於天宗謂日月星辰也

息田夫

野服也

天子祈穀

先嗇注云先嗇若神

尊野服

野服也

天子祈穀

夫也注諸侯於蜡遣使帶草筮貢禽獸

天子祈穀

天子祈穀

天子祈穀

有司祭禽

注季冬天子乃蜡百神於南郊為來年祈穀

天子祈穀

天子祈穀

天子祈穀

之禮注謂先蜡日獵禽獸以供蜡祭

天子祈穀

天子祈穀

天子祈穀

城諸大寺作浴佛會并送七寶五味粥謂之臘八粥

天子祈穀

天子祈穀

天子祈穀

臘一

賜脂

竊食

脂臘脂盛以碧鏤牙

下詳

下詳

下詳

下詳

二蜡臘

蜡臘四

原

謹財

八蜡以記四方年不順成八蜡不通以謹民財

則不通於財用使賜藥神仙傳尹軌字公度晉太康元年

以明且是臘意不容又以曾聞公度名因福辜伯以

為設酒至且乃賜主人神藥一丸而去坊與水庸事也

而磔之謂蜡及禘祭福辭曰土反其宅水歸其壑昆

蟲無作草木歸迎貓迎虎古之祭者使之必報之

澤注此禘辭也迎貓為其食田豕也蜡之大儼逐疫續漢書云臘畫虎

祭仁之至義之盡也大儼逐疫月大儼逐疫畫虎

衛凶風俗通云桃梗葦茭畫虎謹案黃帝書上古之時
於是縣官常以臘除夕飾桃人垂葦茭要命內外翁
畫虎於門者追效於前事冀以衛凶也

歲時部

續盤頂函卷三十

蜡臘

三

子藏鉤賦序云今以臘之後因祭
祀餘胙要命內外以行藏鉤為戲
延嘯周契稽含娛

大蜡之夕
仲尼與蜡賓禮記昔者仲尼與於蜡賓事

仲尼之歎蓋歎魯也
張亮議蜡臘晉博士張亮議曰案

注云歎其祭不備也
張亮議蜡臘周禮蜡為合聚百物

而索饗之臘者祭之祖廟臘則服
嚴母適見報囚漢書

元蜡則服黃蜡臘不同總之非也
嚴母適見報囚漢書

嚴延年為河南太守母從東海來欲從延年臘到雒陽
適見報囚母大驚便止都亭不肯入府因數責延年幸

得備郡守專治千里顧乘刑罰多刑殺人欲以立威豈
為民父母意哉延年服罪頓首謝因自為母御歸府舍

江偉廓焉獨處見江偉答
息其老物吾則從周闕

以禮文子將歎魯
增腰臘韻府獵取禽
八蜡詳蜡

椒口詳蜡
新故交接風俗通曰臘接也新故交

瘦羊博士詳蜡

蜡臘五

原詩晉裴秀大蜡詩曰日躔星紀大呂司辰元象改次
庶衆更新歲事告成八蜡報勤告成伊何年豐物阜豐
裡孝祀介茲萬祐報勤伊何農功是歸穆穆我后務茲
烝黎宣力菑畝沾體暴肌飲饗清祀四方來綏充物郊
甸鱗集京師交錯貿遷紛葩相追摻袂成幕連衽成帷
有肉如丘有酒如泉有着如林有貨如山率土同歡和
氣來臻祥風協順降祉自天方隅清謐嘉祚日延與民
優游享壽萬年 晉江偉答賀蜡詩曰正元二年冬臘
家君在陳郡余別在國舍不得集會弟廣平作詩以貽

余余因答之曰蜡節之會廓焉獨處晨風朝興思我慈
父我心懷戀運首延佇 宋張望蜡除詩曰元靈告稔
謝青龍駕拂軫鮮冰迎流結凝雷垂簷賈人欣八蜡暢
詎知歲華盡 北齊魏收蜡節詩曰迎寒迫清祀有酒
宴嘉平宿心何所道藉此慰中情

唐杜甫臘日詩

曰臘日常年暖尚遙今年臘日凍全消侵陵雪色還萱
草漏洩春光有柳條縱酒欲謀良夜醉還家初散紫宸
朝口脂面藥隨恩澤翠管銀罌下九霄 宋范成大謝
賜臘藥感遇詩曰鴻寶刀圭下九關十年長奉蠶書看
扶持蒲柳身猶健收拾桑榆歲又寒天地恩深雙鬢雪

山川途遠一心丹疲眊疾苦今何似拜手歸來愧伐檀
原序晉嵇含娛蜡賦序曰元象運而寒暑交節會至而
萬物遷天地之化固以不停况於人道之不變乎是以
百年憂喜相參能達要終之數悟生生之宜者百世不
遇其人大蜡之夕雖天下同有攜金蘭以齊馨利貴得
意以遣榮勢孰我尚哉

小歲一

原徐爰儀

徐爰家儀曰蜡本施祭故不賀其明為小歲
賀稱初歲福始慶無不宜正旦賀稱元正首

慶百福惟新小歲之賀
既非大慶禮止門內

張亮議

晉博士張亮議曰俗謂
臘之明日為初歲秦漢

以來有賀此者
古之遺語也

卒歲會曰初歲

史記天官書云凡候
歲美惡謹候歲始歲

歲時部

詩經卷二十一

小歲

天

始或冬至日產氣始萌臘明日人衆臘明日爲小歲崔寔
卒歲一會飲食發陽氣故曰初歲
四民月令云臘明日更新謂
之小歲進酒尊長脩賀君師

小歲二

原詩晉張華冬初歲小會詩曰日月不留四氣迴週節
慶代序萬國同休庶尹羣后奉壽升朝我有嘉醴式宴
百寮

歲除一

增詩曰歲聿云暮
原論語曰鄉人儺孔子朝服而立

於阼階
增漢書曰大儺侷子侷音振逐疫之人也
原張衡東

京賦曰卒歲大儺
呂氏春秋季冬紀注曰前歲一日

擊鼓驅疫癘之鬼謂之逐除亦曰儺 荆楚歲時記曰

歲前又為藏鉤之戲 辛氏三秦記云昭帝鈞弋夫人手拳而國色今人學藏鉤亦法此鉤

亦作 **舊**風土記曰蜀之風俗晚歲相與餽問謂之餽

歲酒食相邀謂之別歲至除夕達旦不眠謂之守歲

秦中歲時記云歲除日儺皆作鬼神狀二老人儺翁儺

母 風土記云除夜祭先竣事長幼聚飲祝頌而散謂

之分歲

歲除二

增紀聞云唐貞觀初天下又安時屬除夜太宗盛飾宮

掖明設燈燭盛奏樂歌乃延蕭后觀之后曰隋主淫侈

每除夜殿前諸院設火山數十爇沉香木根每一山焚沉香數車火光暗則以甲煎沃之燄起數丈香聞數十里 實懷貞本傳曰歲除中宗宴近臣謂懷貞曰聞卿喪妻今欲繼室可乎懷貞唯唯俄而禁中寶扇障衛有衣翟衣出者乃韋后乳嫗所謂莒國夫人者故蠻婢也懷貞納之不辭世謂媪壻爲阿奢懷貞每奏事自署皇后阿奢而或謂國奢軒然不慚

歲除三

原宿歲

迎年

荆楚記曰歲莫家家具肴菽詣宿歲之位以迎新年相聚酣飲

去故

納新

荆楚記曰留宿歲飯至新年則棄之街衢以爲去故納新也

增爆竹

頌

花西方山中有人長丈餘人見之即病寒熱名曰山臊

李暉鄰人仲叟家為山魃所祟叟求報謝而妖彌盛

謂曰公於夜中若除夕爆竹數十竿叟然其言爆竹至

曉寂然妖遂止杜甫詩云驅儻嫁婢上詳歲除

守歲阿戎家椒盤已頌花驅儻嫁婢上詳歲除

二歲除歲盡斗回唐史育開元中上書自薦能詩謂

明皇試以除夕詩應口而賦云今歲今宵盡明年明日

來寒隨一夜去春逐五更回氣色空中改容顏暗裏催

風光人不覺已著後園梅上稱賞久之授為左鼓琴

監門將軍司馬光除夕詩物華全為斗杓回鼓琴

埋硯九國志云吳越王錢鏐嘗於除夜每命諸子及

夜之飲也洛陽人家除夜以賣癡照虛耗俗

歲時部

消盤頁白卷三十一

歲除

三

虛耗也 設火山 打灰堆 上詳歲除二 吳中風俗除

糞壤致詞以致利 相煖熱 補精神 吳中風俗爆竹

市謂之打灰堆 無貧富皆爾謂之相煖熱 夕人家各於

門首燃薪滿盆 取一年所得詩以酒脯祭之曰勞

云唐賈島常以歲除取一年所得詩以酒脯祭之曰勞

我精神以 赴壑蛇 卧籠兔 東坡守歲詩欲知垂盡

是補之 兔卧 發籠雙 歲除四 卒歲 日月窮 禮記曰日窮於

原送寒 月令云大儺旁 卒歲 日月窮 次月窮於紀星

迴於天數將幾 日月除 詩云日 三百六旬之盡 七

終歲且更始 增 崢嶸 除多事也 注崢嶸山峻貌 商

十二候之窮 陸火 裴度歎老殆曉不寐爐

中商陸火凡數添也

歲除五

原詩 梁庾肩吾歲盡應令詩曰歲序已云殫春心不自
安聊開柏葉酒試奠五辛盤金薄圖神鷲朱泥印鬼丸
梅花應可折倩爲雪中看 隋薛道衡歲窮應教詩曰
故年隨夜盡初春逐曉生方驗從軍樂飲至入西京
唐太宗守歲詩曰莫景斜芳殿年華麗綺宮寒鉤去冬
雪暖帶入春風階馥舒梅素盤花卷燭紅共歡新故歲
迎送一宵中 又詩曰歲陰窮暮紀獻節啓新芳冬盡
今宵促年開明日長冰消出鏡水梅散入風香對此歡
終宴傾壺待曙光 又於太原召侍臣賜宴守歲詩曰

四時運灰琯一夕變冬春送寒餘雪盡迎歲早梅新

增杜甫杜位宅守歲詩曰守歲阿戎家椒盤已頌花盞

簪喧櫪馬列炬散林鴉四十明朝過飛騰暮景斜誰能
更拘束爛醉是生涯 駱賓王於西京守歲詩曰閒居

寡言宴獨坐卷風塵忽見嚴冬盡方知列宿春夜將寒
色去年共曉光新耿耿他鄉夕無由展舊親 曹松除

夜詩曰舊歷不足卷東風還坐聞一宵有幾刻兩歲欲

平分臘盡傾時斗春通綻處雲明朝遙捧酒先合祝吾

君 又江外除夜詩曰千門庭燎照樓臺總爲年光急

急催半夜臘因風捲去五更春被角吹來寧無好鳥思

花發應有游魚待凍開不是多岐漸平穩誰能呼酒祝
昭回 宋范成
大除夜地爐書事詩曰節物開門裏人
情老境中鴈聲凌急雨燈影戰斜風糟醕新醅白柴錐
軟火紅家人歡夜話我已困蒙茸

淵鑑類函卷二十

淵鑑類函卷二十一

歲時部十 熱 寒

熱一

原釋名曰熱熱也言如火所熱也 又曰暑煮也如煮物也 說文曰溽濕暑也 易曰日月運行一寒一暑

增又曰寒往則暑來暑往則寒來

原易通卦驗曰

離氣見立秋分則歲大熱 京房易飛候曰有雲大如

車蓋十餘此陽水之氣必暑有暍者 **增**易稽覽圖曰

夏至之後三十日極溫 尚書曰曰哲時燠若 毛詩

曰誰能執熱逝不以濯 **原**禮記月令曰季夏之月土

潤溽暑

增又曰仲秋行夏令則其國火灾寒熱不節

白虎通曰夏至陰始起反大熱何也陰起陽氣推而上故大熱也 又曰至人神矣入大澤不濡焚而不能熱也 **原**五經通義曰冬至陽動於下推陰而上之故寒於上夏至陰動於下推陽而上之故大熱於上 又曰日在牽牛則寒日在東井則暑牽牛外宿遠人故寒東井內宿近人故溫也 漢書西域傳曰罽賓國道歷大小頭痛之山赤土身熱之坂令人身熱無色頭痛嘔吐 管子曰善爲國者使農寒耕而熱耘 淮南子曰南方之極自北戶之界至炎風之野赤帝祝融之所司

增又曰熱焦沙寒凝水

原抱朴子曰或問不熱之

道曰服元冰丸飛雪

一作霜

散帶六壬六甲符王仲都等

用此方也

山海經曰壽麻之國爰有大暑不可以往

神異經曰北方層冰萬里厚百丈有磳鼠在冰下土

中其形如鼠食冰草木根肉重萬斤可以作脯食之已

熱 括地圖曰天毒國最大最熱夏草木皆乾死民善

沒水以避日入時常入寒泉之下

增廣州志曰南方

炎洲氣薰數萬里為瘴 禮斗威儀曰君喜怒無常時

則常熱

原楚辭曰魂兮歸來東方不可以托十日代

出流金鑠石

增景福殿賦曰感乎溽暑之伊鬱而慮

性命之所平

熱二

增淮南子曰武王陰喝人於柳下而天下懷 世說曰
武王見喝人王自左擁而右扇之 **原**桓子新論曰元

帝被病廣求方士漢中逸人王仲都者詔問所能爲對
曰但能忍寒暑耳因爲待詔至夏暑日使曝坐又環以
十爐火不言熱而身汗不出 **增**後漢書馬援傳曰馬

援征武陵五溪蠻進營壺頭賊乘高守隘水疾船不得
上會暑甚士卒多疫死援亦中病遂困乃穿岸爲室以
避炎氣 武陵記曰壺頭山邊有石窟即援所穿室也

室內有蛇如百斛船大云是援之餘靈也 益州記曰

瀘水即武侯渡處水有熱氣暑天不敢行 **原**抱朴子

曰洪從祖先公每大醉及夏天盛熱輒入深水底竟日
乃出者正以能閉氣胎息故耳 語林曰劉真長見王

公王公了不與語時大熱以腹熨石局 **增**梁書曰鄭

灼字茂昭勵志好學多苦心熱若瓜時輒偃卧以瓜鎮
心便起讀誦其勵志如此 唐書曰太宗欲幸九成宮

馬周上疏曰宮去京三百里本為避暑行也太上皇留
熱處而陛下走涼處溫清之道臣所未安太宗善其言

博異志曰岑文本避暑山亭忽有報上清童子元寶

衣淺服青衣曰此上清五銖服出門不見伺之東行數步於院牆下瞥然而沒文本命工力掘之古墓中得古錢一枚文本方悟上清童子是青銅名元寶錢之六也

廬陵宮下記曰明皇起涼殿拾遺陳知節上疏極諫上令力士召對時暑毒方甚上在涼殿座後水激扇車風獵衣襟知節至賜坐石榻陰雷沉冷仰不見日四隅積冰成山簾水飛灑坐內含凍復賜冰屑麻飯陳體生寒粟腹中雷鳴再三請起方許上猶拭汗不已陳纔及門遺洩狼藉逾日復召謂曰卿論事宜審勿以己方萬乘也 酉陽雜俎曰申王有肉疾腹垂至骭明皇詔南

方取冷蛇數條賜之蛇長數尺色白不螫人執之冷如握冰申王腹有數約夏月置於約中不復覺煩暑 神異經曰文宗延學士於內庭討論經義李訓講周易微義頗叶於上意時方盛夏遂命取冰玉腰帶及辟暑犀如意以賜訓訓謝之上曰如意足以與卿爲談柄也

撫言曰韋澳孫宏大中時同在翰林盛暑上在太液池中宣二學士旣赴召中貴人頗以絺綌爲訝初殊未悟及就坐但覺寒氣逼人熟視有龍皮在側尋宣賜銀餅餡食之甚美旣而醉以醇酎二公因茲苦河魚者數夕上笑曰卿不耐事朕日進十數未嘗有損銀餅餡皆乳

酪膏腴所製也

熱三

原煎沙

鑠石

賈誼旱雲賦云隆盛暑而無聊兮煎沙石而爛熯陽風至而含熱兮羣生悶懣

而愁潰映畝枯槁而失澤兮壤石相聚而為害抱朴子云朱廳鑠石不能靡蕭丘之木

鎮心

露汗

上詳熱二扇猶露汗謝

世說郗嘉賓三伏日詣謝公當風交

此

寒溪

熱坂

武昌記曰樊山東有小溪夏時凜然常有寒氣故謂之寒溪下詳熱一

赫風灼宇

炎氣燎房

潘岳狹室賦云當視融之御節熾朱明之隆暑景日華以

曜庭赫風湛其灼宇曰隆暑翕以鬱蒸炎氣燎於幽房

傅元純扇賦

機女絕綜

耕

夫釋耘

並見曹植大暑賦

風雲鬱其如火

天地赫以為爐

當秦穆公三庚之日

思葛稚川六甲之符

曾冷

蛇

冰鼠

上詳熱二
下詳熱一

熱四

原瘴暑

詩曰我瘴暑反凍

莊子曰暘者反凍於冷風

如惔

如惔如焚惔也言熱如

燒如熏

詩曰憂心如熏熏灼爛也

暑雨

書夏暑雨

炎炎

滌滌

並旱熱氣

赫日

火雲

恒燠

溽暑

毒暑

避石室

馬援穿石

為室以避暑詳熱二

升山陵

月令

獸喘氣

鳥戢翼

並見劉公幹暑賦

寒甚生熱

黃帝問岐伯曰人為甚則生於熱為熱何也曰夫寒甚則生於熱

至後為熱

繁露云夏至陰陽之會北方物動於下南方物動於上故至日後為熱焦金燭石

六月徂暑

詩

九日重光

曹植大暑賦曰映扶桑之高熾燎九日之重光

熙天灼地

傅咸

羽扇賦云熾九日之隆赫然高燎於沸海焦陵見傅咸感涼賦

歲時部

暑

熱

海沸礫爛

見曹植大暑賦

海沸砂融

傳元雜詩云大暑時鬱蒸海沸砂石融

草木垂幹

見曹植大暑賦

衽席焚灼

見王粲大暑賦

體怒如鑠

汗

揮如雨

潘岳狹室賦云沸體怒其如鑠珠汗揮其如雨

飲於三伏

詳伏

夏日

之陰

萬物歸之言涼也

雲漢之章

言旱熱

汗珠隕玉體

見傅咸感涼賦

珠汗洽玉體

見傅元詩

熱五

原詩

晉傅元詩曰朱明運將極溽暑晝夜興裁動四肢

廢舉身若山陵珠汗洽玉體呼吸氣鬱蒸塵垢自成泥

素粉隨手凝

梁簡文帝苦熱詩曰六龍驚不息三伏

啓炎陽寢興煩几案俯仰倦幃牀滂沱汗似鑠微靡風

如湯洄池愧生浪蘭殿非含霜細簾時半捲輕幌乍橫
張雲斜花影沒日落荷心香願見洪崖井詎憐河朔觴
梁任昉苦熱詩曰旭旦煙雲捲烈景入東軒傾光望
轉蕙斜日照西垣旣捲焦梧葉復傾葵藿根重簟無冷
氣挾石如懷溫霖霖類珠綴喘嚇狀雷奔 梁何遜苦
熱詩曰昔聞草木焦今睹沙石爛曠曠風逾靜曠曠日
漸旰習靜悶衣襟讀書煩几案卧思清露浥坐待高星
粲蝙蝠户中飛蟻蠓窗間亂寔無河朔飲空有臨淄汗
梁王筠苦熱詩曰日坂散朱零天隅斂青靄飛颺煥
南陸炎津通北瀨繁星聚若珠密雲屯似蓋月至每開

襟風過時解帶

梁劉孝威苦暑詩曰暮日苦炎溽遷

坐接階廊月麗姮娥影星含織女光棲禽動夜竹流螢
出暗牆香盤揉鮮粉雕壺承玉漿白羽徒垂握淥水自
周堂弱紈猶覺重織絺尚少涼弄風思漢朝戲雨憶吳
王元冰術難驗赤道漏猶長誰能更吹律還令黍谷涼
後周庾信苦熱詩曰火井沉熒散炎洲高燄通鞭石
未成雨鳴鳶不起風思爲鸞羽扇願借明光宮臨淄迎
子禮中散就安豐美酒含蘭氣甘瓜開蜜筒

增唐杜

甫熱詩曰雷霆空霹靂雲雨竟虛無炎赫衣流汗低垂
氣不蘇乞爲寒水玉願作冷秋菰何似兒童歲風涼出

舞雩

又曰瘴雲終不滅瀘水復西來閉戶人高卧歸

林鳥却迴峽中都似火江上只空雷想見陰宮雪風門

颯沓開

又早秋苦熱詩曰七月六日苦炎蒸對食暫

餐還不能每愁夜中自足蝎况乃秋後轉多蠅束帶發

狂欲大叫簿書何急來相仍南望青松架短壑安得赤

脚踏層冰

又多病執熱奉懷李之芳尚書詩曰衰年

正苦病侵陵首夏何須氣鬱蒸大水淼茫炎海接竒峰

碑兀火雲昇思霑道暘黃梅雨敢望宮恩玉井冰不是

尚書期不顧山陰野雪興難乘

王維苦熱詩曰赤日

滿天地火雲成山岳草木盡焦捲川澤皆竭涸輕紈覺

衣重密樹苦陰薄莞簟不可近絺綌再三濯思出宇宙
外曠然在寥廓長風萬里來江海蕩煩濁却顧身爲患
始知心未覺忽入甘露門宛然清涼樂 白居易時熱
少見客詠懷詩曰冠櫛心多懶逢迎興漸微况當時熱
甚幸遇客來稀濕灑池邊地涼開竹下扉露牀青篾簟
風架白蕉衣院靜留僧宿樓空放妓歸衰殘強歡宴此
事久知非 又香山避暑詩曰紗巾草履竹練衣晚下
香山踏翠微一路涼風十八里卧乘籃輦睡中歸 又
消暑詩曰何以消煩暑端居一院中眼前無長物窗下
有清風熱散由心靜涼生爲室空此時身自得難更與

人同 錢起避暑納涼詩曰木槿花開畏日長時搖輕
扇倚繩牀初晴草蔓緣新筍頻雨苔衣染舊牆十旬河
朔應虛醉八柱天台好納涼無事始能知靜勝深垂紗
帳詠滄浪 李遠慈恩寺避暑詩曰香荷疑散麝風鐸
似調琴不覺清涼晚歸人滿柳陰 宋陸游劇暑詩曰
六月暑方劇喘汗不支持逃之顧無術惟望樹陰移或
謂當讀書或勸把酒卮或誇作字好蕭然却炎曦或欲
溪上釣或思竹間碁亦有出下策買簞傾家資赤脚踏
層冰此計又絕癡我獨謂不然願子少置思方今詔書
下淮汴方出師黃旂立轅門羽檄晝夜馳大將先擐甲

三軍隨指揮行伍未盡食大將不言飢渴不先飲水驟
不先告疲吾儕獨安居茂林蔭茅茨脫巾濯寒泉卧起
從其私於此尚畏熱鬼神豈可欺坐客皆謂然索紙遂
成詩便覺窗几間颯颯清風吹 范成大次韻溫伯納
涼詩曰日斜猶畏暑吏退合偷閒霞散紅綃薄溪迴碧
玉彎伴人惟羽扇娛客欠風鬟且復哦新句相嘲飯顆
山 明顧德輝湖光山色樓避暑詩曰天風吹雨過湖
去溪水流雲出樹間樓上幽人不知暑鉤簾把酒看虞

山

原賦漢繁欽暑賦曰暑景方徂時惟六月林鍾紀度祝

融司節大火颺光炎風酷烈沈陽騰射滯暑散越區寓
鬱煙物焦人渴煌煌野火熾薄中原翕翕盛熱蒸我層
軒溫風洪忍動靜增煩雖托陰宮罔所避旃粉扇靡效
宴戲甚歡庶望秋節慰我愁歎 魏曹植大暑賦曰炎
帝掌節祝融司方羲和按轡南雀舞衡蛇折鱗於靈窟
龍解角於皓蒼遂乃溫風赫戲草木垂榦山坼海沸砂
融礫爛飛魚躍渚潛鼃浮岸鳥張翼而近棲獸交游而
雲散于時黎庶徙倚綦布葉分機女絕綜農夫釋耜背
暑者不羣而齊跡向陰者不會而成羣於是大臣遷居
宅幽緩神育靈雲屋重構間房肅清寒泉湧流元木奮

榮積素冰於幽館氣飛結而爲霜奏白雪於琴瑟朔風
感而增涼 魏劉楨大暑賦曰其爲暑也羲和總駕發
扶木太陽爲輿達炎燭靈威參乘步朱轂赫赫炎炎烈
烈暉暉若熾燎之附體又溫泉而沈肌獸喘氣於元景
鳥戢翼於高危農畷捉鋤而去疇織女釋杼而下機溫
風至而增熱歔悒悒而無依披襟領而長嘯冀微風之
來思 魏王粲大暑賦曰惟林鐘之季月重陽積而上
升喜潤土之溽暑扇溫風而至興獸狼望而倚喘鳥垂
翼而弗翔遠昆吾之中景天地翕其同光征夫瘼于原
野處者困于門堂患衽席之焚灼譬洪燎之在牀起屏

營而東西欲避之而無方仰庭槐而嘯風風既至而如
湯于是帝后順時幸九峻之陰岡托甘泉之清野御華
殿於林光潛廣室之邃宇激寒流於下堂重屋百層垂
陰千廡九闔洞開周帷高舉堅冰常奠寒饌代敘 晉
夏侯湛大暑賦曰若乃三伏相仍徂暑彤彤上無纖雲
下無微風扶桑暎其增熿大火煜其南升爾乃土墳墜
坼谷枯川竭寒泉潛沸冰井騰沫洪液蒸於簞簟兮珠
汗霑乎絺葛溫風翕其至今若洒湯于玉質沃新水以
達夕振輕箑以終日 晉卞伯玉大暑賦曰惟祝融之
司運赫溽暑之方隆日貞曜於鶉首律遷度於林鐘溫

風翕以晨至星火爛以昏中氣滔滔而方盛晷永路而
難終流風兮莫繼朱煙兮四纏鬱邑兮中房展轉兮長
筵體沸灼兮如燎汗流爛兮珠連 晉傅咸感涼賦曰
踐朱明之中月暑鬱隆以肇興赫融融以彌熾乃沸海
而焦陵獸竄伏於幽林兮鳥垂翼而弗升汗珠墮於玉
體兮粉附身而沾凝於是景雲晨敷曜靈潛光陰氣聿
升凱風載揚忽輕箑於坐隅兮思暖服於蘭房

寒一

增釋名曰寒捍也捍格也 說文曰靄寒也從雨執聲
凜清寒也 易稽覽圖曰春夏寒政教急 京房易占

曰冬至之後三十日極寒 尚書曰曰謀時寒若 詩

曰一之日飡發

風寒也

二之日栗烈

氣寒也

又曰北風其

涼

禮記曰天地嚴凝之氣始於西南而盛於西北此

天地之義氣也

又曰仲春行秋令則寒氣總至

又

曰季冬之月命有司大儺以送寒氣

又曰孟冬行夏

令則國多風冬不寒

又曰季春行冬令則寒氣時發

草木皆肅

又曰仲冬行夏令則國多暴風冬不寒蟄

復出

禮運斗樞曰行失則雖當燠反寒

老子曰躁

勝寒靜勝熱

文子曰婦人當年不織天下有受其寒

者 管子曰大寒大暑大風大雨其時不至此謂四刑

淮南子曰北方有北極之山曰寒門積寒所在故曰寒門也 又曰夏蟲不可以語寒 又曰青女仲春二月之夕乃閉其寒 呂氏春秋曰見瓶水之冰而知天下之寒 述異記曰辟寒香丹國所出 神異經曰東南方海中有祖洲上有烜湖其肉鱈魚出焉長八尺食之宜暑而避風寒之氣此魚狀即與江湖小鯽相類耳 酉陽雜俎曰潯陽有青林湖鯽魚大者二尺餘小者滿尺食味美亦可止寒熱也 廣志曰挹婁國地寒人多穴居 楚辭曰踔絕垠於寒門 大人賦云軼先驅於寒門

寒二

增太公金匱曰武王伐紂天陰寒雨雪十餘日

原穆

天子傳曰庚寅北風雨雪天子乃休日中大寒有凍人

天子作黃竹詩

詳雪

左傳曰楚莊王圍蕭申公巫臣曰

師人多寒王巡三軍撫而勉之三軍之士皆如挾纊

晏子曰景公起大臺歲寒役之凍餒者有焉公延晏子

坐飲酒樂晏子歌曰庶民之凍我若之何奉上靡弊我

若之何歌終喟然流涕公止之曰子殆爲大臺之役夫

寡人將罷尸子曰雨雪楚莊王披裘當戶曰我猶寒

彼百姓賓客甚矣乃使巡國中求百姓賓客之無居宿

絕糧者賑之國人大悅

呂氏春秋曰衛靈公天寒鑿

池宛春曰天寒恐傷民公曰何寒哉春曰君衣狐裘坐熊席四陲有火是以不寒民衣敝不補履決不莛君則不寒民則寒矣公曰善命罷役又曰戎夷違齊如魯天大寒而後門與弟子宿於郭外寒逾甚謂弟子曰子與我衣我活我與子衣子活我國士也爲天下惜死子不肖人也不足愛也子與我子之衣弟子曰夫不肖人又惡能與國士衣哉戎夷歎曰道不濟夫解衣與弟子夜坐而死戰國策云田單爲齊相過淄水有老人涉淄而寒不能坐沙中乃解裘衣之襄王曰單之厚施欲

取我國乎有貫珠者聞之曰不如因以爲己善乃下令
曰寡人憂民之寒而單解裘衣人稱寡人之意於是閭
里相與語曰田單之愛人乃王之教也

增韓子曰昔

者韓昭侯醉而寢典冠者見君之寒也故加衣於君之
上寢覺而說問左右曰誰加衣者左右對曰典冠君因
兼罪典衣與典冠其罪典衣以爲失其事也其罪典冠
以爲越其職也非不惡寒也以爲侵官之害甚於寒也
洪範五行傳曰秦始皇九年四月寒凍民有死者

原漢書曰上聞韓王信降匈奴上自將擊之連戰乘勝
逐北至樓煩會天寒卒士墮指者十二三

增西京雜

記曰淮南王好方士皆以術見噓吸為寒暑

原東觀

漢記曰王郎起兵上自薊東南馳夜至蕪婁亭時天寒烈衆皆飢疲馮異上豆粥明旦上謂諸將曰昨日得公孫豆粥飢寒俱解 鍾離意別傳曰嚴遵昔與光武俱為諸生暮夜宿息二人寒不得寢卧更相謂曰後日豪貴憶此勿相忘別後數年光武有天下徵遵不至

增

謝承後漢書曰盛夏多寒韋彪上疏諫曰臣聞政治之本必須陰陽伏見立夏以來當暑而寒殆刑罰刻急郡國不時令之所致也 續漢書五行志曰初平四年六月寒風如冬時

原搜神記曰羅威事母孝天大寒常

以身自溫席授其處

詳

葛仙公別傳曰公與客談語

時天大寒仙公謂客曰居貧不能人人得罽火請作一大火共致煖者仙公因吐氣火赫然從口中出須臾火滿屋客皆熱脫衣矣

增

拾遺記曰嗽金鳥出昆明國

形如雀色黃常翱翔於海上魏明帝時其國來獻此鳥飴以珍珠飲以龜腦鳥常吐金屑如粟鑄之可以爲器此鳥不畏霜雪乃起小臺處之名曰辟寒臺皆用水晶爲戶牖使內外通光宮人爭以鳥吐之金用飾釵珮謂之辟寒金故宮人相嘲曰不服辟寒金那得帝王心不服辟寒金那得帝王憐

晉朝雜事曰大興四年大寒

傷民冰厚時王敦肆亂殺戮忠良 酉陽雜俎曰魏使

崔劭曰今歲竒寒江淮亦冰 天寶遺事曰開元二年

冬至交趾國進犀一株色黃如金使者請以金盤置於
殿中溫溫然有煖氣襲人上問其故使者對曰此辟寒
犀也昔隋文帝時本國曾進一株直至今日上甚悅厚
賜之 唐書曰錢徽拜左丞會宣墨麻羣臣在庭方大
寒稍稍引避徽素恭謹不去立久而仆 杜陽雜編曰
咸通九年同昌公主下降錫錢五百貫仍罄內庫寶貨
以實其宅更賜金麥銀粟數斛堂設連珠之帳績真珠
以成也却寒之簾類玳瑁有紫色云是寒鳥骨所爲也

則未知何出 又曰同昌公主乘七寶步輦綴五色玉香囊貯辟寒香乃異國所獻也

寒三

原雞始乳

馬如蝟

月令大寒之日鴈北向雞始乳文選馬毛縮如蝟言寒也

白鶴語

黃竹詩

異苑曰昔太康二年南州人見二白鶴語曰今茲寒不減堯崩年 下詳

二寒

寒折骨

風截耳

應璩詩云嵐山寒折骨而目盡生瘡 傳元詩云嚴風截人耳

素雪隨地凝

龜鼉蟄

鱗甲潛

張衡應問曰溽暑至而龜鼉蟄火見嚴寒至而龜鼉蟄

下見傳元大寒賦

虹蟄火

龍藏金

袁淑詠寒云魚戢鱗兮鳥矜翼虹蟄火兮龍藏

金

增挾纊

解裘

俱詳寒二

金鳥

黃犀

俱詳寒二

寒四

歲時部

綱鑑類纂卷之二十一

寒

原

積冰

文選行積

雨雪

詩雨雪其雱

木冰

左傳十三年口

凌

氣出口為

凌兢

甘泉賦曰馳閭闔入

慘凜

下陰潛

不堪

月令寒氣總至人

而耐

家語食冰者善

熱生

寒

太元經云陽不極則陰不萌

道致

誦道致信

冬德

寒

呂氏春秋曰冬之德寒

生不信

其地不成剛地不

不信

成物

魚矜鱗

鳥失條

張衡思元賦云魚矜鱗

條

桐不華

周書云清明之日桐

穀不生

劉向別錄曰

生五穀

鄒子吹律召溫

凍入地

廣雅北方地苦寒冰

寒中人

楚詞薄寒

冰作糜

魏武帝苦寒行曰人馬同

作糜糜

冰作漿

軍士冰

冰漸軸

文子轅含冰以凝壑雪

掩路

文子晨風淒以激

御狐貉

文子御狐貉曰又

襲狐貉之煖者不憂至寒之悽愴

陰時慘

陰則時慘

嚴氣升

焦溪

汨

溫泉冰

並出雪賦

天道有寒

五經通義云寒暑和合以成歲也故易日月運

行一寒一暑乾道成男坤道成女

地氣為寒

黃帝素問云地氣上升為寒也

黍谷地

寒

劉向別錄云燕有黍谷地美而寒

不周地寒

拓地國云不周之國地寒

龍涸常

寒

沙州記云六月二十六日發龍涸晝夜肅肅常寒不復得脫襦袴將從七十二人面盡黎黑口脣青臃

減浴大寒

括地圖云二陽二汗之山減浴之民大寒俱地穴食草木之根

朔方之寒

尸子曰朔方之寒冰厚六尺木皮三寸

點蒼特寒

漢書曰雲南郡有點蒼山特寒四月五月中猶

積雪

皓然月旁甚寒

論衡曰河東項曼都好道學仙辭家

三年而返曰時數仙人將上天離月

數里而止月之旁甚寒也

凝冰結澗

陸機苦寒行曰凝冰沈寒凝結重澗積雪被長密

歲時部

歲時部

寒

寒

海

陸機連珠云烈火流金不能焚景沈寒凝海不能結風

寒不可勝

傅元詩云季冬時慘

烈猛寒不可勝

英雄記曰袁尚熙被公孫康伏兵

不可勝寒不可忍之坐於凍地尚曰未死之時寒不可

忍謂康求席熙曰頭顱

氣出為凌

博物志北方地寒

方行萬里何席之為

為血流成冰

豫章書舊志云龍碩字顯先太皇幸潯陽

凌血流成冰

游獵諸郡詔不得干犯碩乃作章陳理

髮

頭割耳要候大駕於道以叩

冰結袴內

水流領下

劉流血時大寒後流血成冰

寒破肌骨

張英與延篤書云

隨冰結袴內水流領下

寒破肌骨

大陰之地寒破肌

骨此非老

寒入肌膚

風角云大寒

憊所堪

寒入肌膚

士卒凍飢

漢書曰

其子襄相齊身送之無鹽飲酒

將士皸瘃

又云神爵元

年趙充國伐

高會因天寒大雨士卒凍飢

將士寒手足

戰家寧有利哉

案文穎曰皸折裂也

阻將軍士寒手足戰家寧有利哉案文穎曰皸折裂也

創也

扶木顛悴

見傳元

園果摧折

曹植戀情賦曰黃

風飄寒園果墮

重衾無暖

張華詩云重衾無薄被知

寒

傅元雜詩云浮雲含秋氣悲風坐

衣履不完

史記

郭先生困飢寒

飢寒並至

蔡邕文侯云居處浮漂如樹

鯨魚辟寒

神異經 磳鼠却寒

又云北方有磳鼠在冰

八尺可以為

胡貉能寒

漢書晁錯上疏曰夫胡貉之

厚六尺食肉而飲酪其人

方士忍寒

桓子新論曰元

密理鳥獸毳毛其性能寒

帝時漢中送方

士王仲都詔問何所能對曰能忍寒乃於盛寒日載以

駟馬車於昆明池上環冰而走御者厚衣狐裘甚寒而

無變色

夷人辟寒

華陽國志云文山多雜藥名春香土

地剛鹵不宜五穀多寒盛夏冰不釋

則辟寒人冬

急恒寒若

洪範

運乎二氣

一月一寒一暑

小民怨咨

書曰冬初寒小

君子齋戒

待陰陽

北戶墮

歲時部

民惟曰怨咨

寒

七

靡

出雪賦
擲泥也

裸壤垂繒

雪賦

婦子入室

嗟我婦子曰為改
歲入此室處言寒

也

凍者假衣

莊子夫凍者
假衣於春

人馬凍死

漢王莽鑄威斗
日大寒人馬凍

死

鳥雀毒害

漢竇武上表曰今日大寒過節
毒害鳥獸城旁竹柏皆為傷死

寒野指

墮

漢北苦寒之野墮
指者十有七八

水澤腹堅

嚴凝之氣

詳寒

感發

之風

詳寒

淒其以風

寒也

巢居知風

寒

稜稜霜氣

菽菽風威

大寒冰水道

魏志云文帝黃初六年文
帝入淮是歲大寒水道冰

舟不得

入乃還

大凌破河橋

晉朝雜事云永寧二年
十二月大寒凌破河橋

箕颺振

地作

任豫雪詩曰寒為嚮雲嘯悲鴻
夜哀號箕颺振地作畢陰駭增高

凜厲寒氣升

見曹

賦詠

戎馬粟不暖

朱火青無光

火見清風戒寒

國語云火見而清風戒寒清風至
而修城郭注火心星清風寒風

日在牽牛則寒

五經

通義詳熱

凌霰交兮高冰合
波浮梗兮奔風沈
霜雪

滯兮潛天陽

嚴斲結兮悲海陰

並袁淑七言詩

曾子耕天

寒不得歸

琴操云曾子嘗耕于太山之下遭天雨雪寒凍旬日不得歸乃作憂思之歌

嚴遵

學夜寒不得寢

詳寒二

魏文入淮是歲大寒

魏志詳前

桓元

入宮是月酷寒

晉中興書云桓元入建康宮逆風迅激旌旂不立法章儀飾一皆傾偃是月酷

寒

益房有寒出裘衣之

賈子曰楚莊王益房而立愀然有寒色曰寡人尚然奈百

姓何乃出府裘以衣寒者

范叔一寒取袍賜之

史記曰范睢相秦睢微行敝衣閒步見須

賈賈驚曰范叔一寒至此哉乃取一綈袍以賜之

寒五

詩

唐杜甫前苦寒行詩曰漢時長安雪一丈牛馬毛

歲時部

詩監類函卷三十一

寒

大

寒縮如蝟楚江巫峽冰入懷虎豹哀號又堪記秦城老
翁荆揚客慣習炎蒸歲絺綌元冥祝融氣或交手持白
羽未敢釋 又曰去年白帝雪在山今年白帝雪在地
凍埋蛟龍南浦縮寒刮肌膚北風利楚人四時皆麻衣
楚天萬里無晶輝三足之鳥足恐斷羲和迭送將安歸
又後苦寒行詩曰南紀巫廬瘴不絕太古以來無尺
雪蠻夷長老怨苦寒崑崙天關凍應折元猿口噤不能
嘯白鶴翅垂眼流血安得春泥補地裂 又曰晚來江
門失大木猛風中夜飛白屋天兵斬斷青海戎殺氣南
行動坤軸不爾苦寒何太酷巴東之峽生凌澌彼蒼迴

幹人得知 宋劉克莊苦寒行詩曰十月邊頭風色惡
官軍身上衣裘薄押衣勅使來不來夜長甲冷睡難著
長安城中多熱官朱門日高未啓關重重惟薄施屏山
中酒不知屏外寒 楊萬里前苦寒歌詩曰四大海潮
打清淮三萬里風平地來龜山橫身攔不住潮波怒飛
風倒回欲晴不晴雪不雪并作苦寒凍人絕古寺大鐘
十字裂東山石崖一峰壓勸君莫出君須出冰脫君髯
折君骨 後苦寒歌詩曰白鷗立雪脛透冷鸕鷀避風
飛不正一雙野鴨欺晚寒出沒冰河底心性絕憐紅船
黃帽郎綠蓑青筍牽牙檣生愁墮指脫兩耳蘆花亦無

何許藏遣騎前頭買乾荻速烘焙火與一炙三足老鴉
不肯出看雲訴天天不泣 明袁凱苦寒行詩曰雨雪
兩雪淒風如刀我行中野而無緼袍我寒我飢誰復我
知四無人聲但聞熊羆熊欲攫我羆欲斂我我身煢煢
進退不可進固難矣退亦何止還望舊鄉遠隔江海江
波湯湯海波洋洋我思我鄉死也可忘 高啓京師苦
寒詩曰北風怒發浮雲昏積陰慘慘愁乾坤龍蛇蟠泥
獸入穴怪石凍裂生皴紋臨滄觀下飛雪滿橫江渡口
驚濤奔空山萬木盡立死未覺陽氣回深根茅簷老父
坐無褐舉首但望開晴暎苦寒如此豈宜客嗟我歲晚

飄羈魂尋常在舍信可樂牀頭每有松醪存山中炭賤
地爐煖兒女環坐忘卑尊鳥飛欲斷况無友十日不敢
開衡門竭來京師每晨出強逐車馬朝天闈歸時顏色
暗如土破屋暝作飢鶯蹲陌頭酒價雖苦貴一斗三百
誰能論急呼取醉竟高卧布被絮薄終難溫却思健兒
戍西北千里積雪連崑崙河冰踏碎馬蹄熱夜斫堅壘
收羌渾書生只解弄口頰無力可報朝廷恩不如蚤上
乞身疏一蓑歸釣江南邨

原賦晉傅元大寒賦曰五行條而竟驚兮四節奔而電
逝諒暑往寒來兮十二月而成歲日月會於析木兮重

陰淒而增肅彩虹藏於虛廓兮鱗介潛而長伏若乃天
地凜烈庶極氣否嚴霜夜結悲風晝起飛雪山積蕭條
萬里百川明而不流兮冰凍合於四海扶木憔悴於湯
谷若華零落於濛汜 梁裴子野寒夜賦曰何四序之
平分處修冬而多慮眷搖落兮遵盡悲荏苒其云除日
晝晚而易潛夜悠長而難曙旣而庭流皓月階被凝霜
風吹衣而慄慄氣空積而蒼蒼襲重裘而弗燠熾朱火
兮無光門蕭條而晝闌夜寂寞兮無人疏三徑以負汲
結二耦而爲賓 **增**唐趙自厲寒賦曰儒有討混元搜
綿祀旣覲寒暑之終亦測興伏之始覘風驚於一葉委

時換乎千里寒之厥狀自茲而起若夫大火宿藏青霜
晨烈則蜀井煙閉漲海氛滅長河天浹綴珠崖而生冰
幽朔地窮濛飛沙而雨雪乃知蘇武增感李陵愁絕聽
胡笳以攪思儷漢庭之叱別及幽林風掃時物霜殘柔
條危勁奧室淒寒有美人而心恍惚情怵悼而靡安陰
凝柳塞怨龍庭之路隔月透羅幌憐鴛衾之夜闌屣銀
階之悄悄雪珠淚之珊珊縫筐筥之紈素寄戎幕之艱
難別有陸沉之子廁跡荒藪器宏偉而可觀命屯剝而
不偶當其時也趨炎俯僂伺瞰噓吸無詩人卒歲之衣
雨泉客將離之泣豈祁寒而致憾亦遭時而不息終乖

挾纊之暄更悲綈袍之及層冰涸溜宋生則愀悵而相望皓雪盈門袁子則茹悲而於悒

原 謠晉夏侯湛苦寒謠曰惟立冬之初夜天慘慄以降寒霜皚皚以被庭冰澹灑於井榦草撼撼以疏葉木蕭蕭以零殘松隕葉於翠條竹摧柯於綠竿

原 表陳王曹植表曰臣聞寒者不貪尺玉而思短褐飢者不願千金而美一餐夫千金尺玉至貴而不若一餐短褐者物有所急也

淵鑑類函卷二十一

淵鑑類函卷二十二

歲時部十一

旱 豐稔

水澇

凶荒

救水災附

人飢附

旱一

增尚書曰曰僭恒暘若

原洪範五行傳曰旱所謂常

陽不謂常陽而謂旱者以爲災也旱之爲言乾萬物傷而乾不得水也君持亢陽之節暴虐于下興師旅勤衆勞民以起城邑臣下悲怨而心不從故陽氣盛而失度故旱災應也毛詩曰倬彼雲漢昭回于天王曰於乎何辜今之人天降喪亂饑饉薦臻靡神不舉靡愛斯牲圭璧旣卒寧莫我聽旱旣太甚蘊隆蟲蟲不殄禋祀自

郊祖宮上下奠瘞靡神不宗旱既太甚滌滌山川旱魃
為虐如惓如焚我心瘳暑憂心如熏 韋曜毛詩問曰

雲漢之詩旱魃為虐傳曰魃天旱鬼也箋曰旱氣生魃
天有常神人死為鬼不審旱氣生魃奈何答曰魃鬼人
形眼在頂上天生此物則將旱也天欲為災何所不生
而云有常神者耶 **增**禮記月令曰仲春行夏令則國
乃大旱煖氣早來 **原**周禮曰司巫掌羣巫之政令若

國大旱則率巫而舞雩 **增**又曰女巫掌歲時祓除釁

浴旱暵則舞雩左傳曰龍見而雩穀梁曰雩者為旱求
也 **原**春秋考異郵曰旱之言悍也陽驕蹇所致也

春秋繁露曰水干土則大旱

增續漢書曰郡國旱公

卿行雩禮求雨閉諸陽門衣皂衣興土龍立土人舞童
二佾七日一處 又曰郡國旱各掃除社稷公卿官長
以次行雩禮求雨也 **原**管子曰春不收枯骨朽齒伐
枯木而去之則夏旱至矣 **增**莊子曰大旱金石流土

山焦而不熱

原山海經曰秦華之山削成而四方有

蛇名曰肥遺六足四翼見則天下旱

又曰東荒北隅

有山名土丘應龍處南極殺蚩尤夸父不得復上故下
數旱旱而作龍應之乃得大雨 黃帝占書曰日中三
足鳥見者大旱赤地 師曠占曰歲欲旱旱草先生旱

草者蒺藜也

京氏別對災異曰久旱何曰人君無施

澤惠利于下則致旱也不救即蝗蟲殺穀其救也省謫
罰行寬大惠兆民勞功吏賜鰥寡廩不足 神農求雨

書曰春夏雨日而不雨甲乙命爲青龍又爲火龍東方
小童舞之丙丁不雨命爲赤龍南方壯者舞之戊己不
雨命爲黃龍壯者舞之庚辛不雨命爲白龍又爲火龍
西方老人舞之壬癸不雨命爲黑龍北方老人舞之如
此不雨潛處闔南門置水其外開北門取人骨埋之如
此不雨命巫祝而暴之不雨神山積薪擊鼓而焚之
神異經云南方有人長二三尺袒身而目在頂上行走

如風名曰魃所見之國大旱赤地千里一名貉遇者得之投溷中乃死旱災消也

旱二

增尸子曰湯之救旱也乘素車白馬著布衣身嬰爲牲禱于桑林之野世說曰湯時大旱七年雒川竭煎沙

爛石乃使持三鼎祝山川教祝曰政不節耶使人疾耶

賄賂行耶讒夫昌耶宮室崇耶女謁盛耶何不雨之甚

耶**原**洪範五行傳曰魯桓公五年大雩旱也先是公

弑君而立有自危之心而下有怨懟之氣外結大國娶

于齊以爲夫人後比二年天子使大夫來聘極上得天

子意憑大國之心則有亢陽之意以御臣下興邢丘之役以勞百姓則臣下離心而不從故應是而秋大旱

釋又曰魯宣公十年秋大旱時公興師與齊伐葉夫伐國亢陽蓋師旅百姓所不欲也應時大旱

原左傳曰

衛大旱卜有事于山川不吉甯莊子曰昔周饑克殷而年豐天其或者欲使衛討邢乎從之師興而雨 又曰夏大旱公欲焚巫尪臧文仲曰非旱備也脩城郭貶食省用務稼勸分此其務也巫尪何為天欲殺之則如勿生若能為旱焚之滋甚公從之是歲饑而不害 韓子曰晉公使師曠秦清徵師曠曰清徵不如清角平公曰

清角可得聞乎師曠曰君德薄不足以聽之聽之將恐有敗公曰寡人老矣所好者音願遂聽之師曠不得已而鼓之一奏之有雲從西北方起再奏之大風至大雨隨之裂帷幕破俎豆墮廊瓦坐者散走平公恐懼伏于廊室晉國大旱赤地三年平公之身遂癘病左傳曰鄭大旱使屠擊有事於桑山斬其木不雨子產曰有事于山藝山林也而斬其木其罪大矣晏子曰齊大旱公召羣臣問曰天不雨久矣民且飢色吾使人卜之祟在高山廣澤寡人少賦斂以祠靈山可乎羣臣皆莫有對者晏子進曰不可祠此無益也夫靈山固以石為身

以草木爲毛髮天久不雨髮將燋身將熱彼獨不欲雨乎祠之何益 家語曰孔子在齊齊大旱春饑哀公問于孔子曰旱如之何孔子曰凶年則乘駑馬力役不興馳道不脩祈以幣玉祭事不懸祀以下牲此則賢君自貶以救民之禮也 禮記曰歲旱穆公召縣子而問焉曰天久不雨吾欲暴尪而奚若曰天則不雨暴人之疾子虐毋乃不可與然則吾欲暴巫而奚若曰天則不雨而望之愚婦人于以求之毋乃已疏乎徙市則奚若曰天子崩巷市七日諸侯薨巷市三日爲之徙市不亦可乎 莊子曰梁君出獵見白鴈羣君欲射之道有行者

駭之君怒欲射行者其御公孫龍下車撫矢曰昔先公時大旱三年卜之以人祠乃雨公下堂頓首曰吾所以求雨以爲民也吾自當之言未卒而天大雨方千里者何德于天而惠于民也今君王以白鴈而欲殺人乎

汝南先賢傳曰袁安爲楚相會楚王英事互相牽引拘繫者千餘人三年而獄不決坐掠幽而死者百餘人天用災旱赤地千里安受拜即控轡而行旣到決獄事人人具錄其辭狀本非首謀爲主所引應時理遣一旬之中延千人之命其時甘雨滂霈歲大豐稔 東觀漢記

曰和熹鄧后稱制京師旱至五月朔太后幸雒陽寺省

庶獄舉寃囚杜冷不殺人自誣被掠羸困使輿見畏吏不敢自理吏將去微疾舉頸若欲有言太后察視覺之即呼還問狀遂信即時收令下獄抵罪尹左遷行未還宮澍雨大降孔叢子曰子豐拜高第御史建初元年歲大旱乃上疏曰臣聞為不善而災報得其應也為善而災至遭時運也陛下即位日新視民如傷而不幸耗旱時運之會耳非政教之所致也昔成湯遭旱因自責減御損膳而大有年天意者陛下未為成湯之事焉天子納其言而從之三日雨即降轉拜黃門侍郎典東觀事會稽典錄曰夏香字曼卿永興人也為農夫香挺

然特立明果獨斷年十五縣長葛君出臨虛里會客飲
宴時郡遭大旱香進諫曰昔殷湯遭旱以六事自責而
雨澤應澍成王悔過偃禾復起自古先聖畏懼天異必
思變復以濟民命今始懼天災縣界獨甚未聞明達崇
殷周之德臨祭獨歡百姓枯瘁神祇有靈必不享也百
姓不足君孰與足宜當還寺長即罷會身捐俸祿以贍
飢民 漢書曰東海孝婦少寡無子養姑甚謹姑告鄰
人曰孝婦養我勤苦哀其無子守寡我老久累丁壯奈
何後姑自縊死姑女告吏婦殺我母吏捕孝婦婦誣服
郡掾于公爭之不得乃抱具獄哭于府上因辭疾去郡

中枯旱三年後太守至殺牛自祭孝婦冢因表墓天立
大雨歲熟郡中以此大敬重于公

增塵史曰朝奉郎

杜球言永熙幸佛寺塔廟禱雨至天慶三館起居因駐
輦問曰天久不雨奈何或對天數或對至誠必有應一
綠衣少年越次對曰刑政不脩故也上頷之而行歸復
駐輦召綠衣者問狀對曰其所守臣犯賊法當配宰相
以親則不配某所守臣犯賊不當死宰相以嫌卒罪之
翌日上為罷宰相天即大雨綠衣者即寇萊公也 又
曰鄭俠見荆公言青苗之害不答久之得監在京安上
門會大旱自十一月至於三月河東河北陝西流民大

入京師與城外飢民市麻粃麥麩為之糜或掘草根採木實以食俠上疏曰今天下憂苦質妻鬻女父子不保拆屋伐桑爭貨于市輸官糴米皇皇不給之狀繪為一圖此臣安上門日所見百不及一陛下觀臣之圖行臣之言十日不雨乞斬臣以正欺罔之罪

旱三

原 杲日

愆陽

詩曰其雨其雨杲日出人專望雨而日出也愆陽陽驕也

八月

七年

八月不雨則若不舉呂氏春秋曰成湯之旱七年煎沙爛石

未覩鶴鳴

且憂狼顧

詩鶴鳴于垤將雨之候也賈誼曰失時不雨久且狼顧注狼顧恐懼貌

憤歎

成陰

歡娛為旱

晉石衡問袁甫曰壽陽已西恒旱已東恒澇何也甫曰壽陽已東吳人也

夫亡國之音哀鼎足強邦一朝失職憤歎成陰陰積成
水故恒滂也壽陽已西中國新平強吳美寶盡入志滿
心盈長為旱故公羊曰魯僖公甚悅故
早是以京師若抑強扶弱則天下和平 天厲流行

地財耗斲

厲疾疫也

詩耗斲下

密雲徒自西郊

零雨未沾南畝

雲重積而又散

雨垂下而復收

文選

東作既嗟於歲旱

南山坐望於朝隲

屯西郊之

雲且聞不雨

廢南畝之稼豈望有秋

仰夫膏雨已

愆天降之期

望彼畢星未及月離之候

增鑠石

流金

俱楚詞

旱備原有備

無虞

耗斲為災雖爽月

離之候

流行有備則無歲取之虞

旱四

原 免稅

水旱免稅令曰諸田有旱蟲霜處拘見營田州縣檢實具帳申省十四損已上免租稅調七已

上課役俱免若桑麥損盡各免其所輸聽折來年經二年後不在折限其應免者通計麥用為分數 懸

耜

不為災

自十月至于五月不為災

必後枯

夫為稼於畝偏有一溉之益雖

歸樵爛而一溉之旱苗必後枯也

倬彼雲漢

詩序雲漢美宣王遇災能懼

用汝

霖雨

書若歲大旱用汝作霖雨

時雨不降

百穀不成五穀不滋害于棗盛

高田

不熟

天時不齊

禮記同有豐凶之異也

天厲不戒

野無青

草民且菜色

詳後旱備

山陵不收

水泉咸竭

旱備

千里之旱

賈誼曰不幸有方二三千里之旱胡以為恤

三年之食

禮曰九年

耕必有三年之食以三十年之通雖有凶旱水澇民無菜色然後天子食日舉以樂

恤人之心

救患之策

愆陽為沴歲不順布

布政有經眾無

匡懼

早五

原詩 晉李顯經過渦路詩曰言歸越東足逝將反上都
後洹填中路改轍脩茲衢旦發石亭境夕宿桑首墟勁
焱不興潤零雨莫能濡亢陽彌十旬涓滴未暫舒泉流
成平陸結駟可迴車肇允相忘鱗翻為涸池魚咫尺不
能移白日奄桑榆 梁庾肩吾奉和武帝苦旱詩曰陽
山蛇不蟄洳澤鳥猶攢暫息流膏雨將似怨祁寒文衣
夜不卧疏食晝忘餐潔誠同望祀惟馨等浴蘭江蘋享
上帝荆辭奠高巒繁雲興岳立蒸穴動龍蟠渭渠還積

水澆池更起瀾

增

宋朱松久旱新歲乃雨詩曰高田

土可簾下田不受犁遺蝗憂插啄况乃麥未齊赤子天
自憐溝壑忍見擠雨逐新歲來停雲忽淒淒莫辭三日
霖爲作一尺泥汪汪既沒膝灑灑仍拍隄漸看蓑笠出
笑語喧畛畦我欲與寓目父老同攀躋此身羣萬生擾
擾舞甕雞曾亦無幾求脫粟配羹藜永言故隴耕老眼
路淒迷好收斂版手鋤耰歸自攜 楊萬里憫旱詩曰
鳴鳩喚雨如喚晴水車夜啼聲徹明乖龍懶睡未渠醒
阿香推熱呼不鷹下田半濕高全坼幼秧欲焦老差碧
書生所向便四壁賣漿逢寒步逢棘還家浪作飽飯謀

買田三歲兩無秋一門手指百二十萬斛量不盡窮愁
小兒察我慘不樂旋沽邨酒聊相酌更哦子美醉時歌
焉知飢死捐溝壑水車啞啞止復作 蘇軾久旱望雨
詩曰飢人忽夢飯甑溢夢中一飽百憂失只知夢飽本
來空未悟真飢定何物我生無田食破硯爾來硯枯磨
不出去年太歲空在酉傍舍壺漿不容乞今年旱勢復
如此歲晚何以黔吾突青天蕩蕩呼不聞况欲稽首號
泥佛甕中蜴蜥尤可笑跂跂脉脉何等秩陰陽有時雨
有數民是天民天自卹我雖窮苦不如人要亦自是民
之一形容可似喪家狗未肯弭耳爭投骨倒冠落幘謝

朋友獨與蚊雷共圭華故人嗔我不開門君視我門誰
肯屈可憐明月如潑水夜半清光翻我室風從南來非
雨候且為疲人洗蒸鬱褰裳一和快哉謠未暇飢寒念
明日

原頌漢東方朔早頌曰維昊天之大旱失精和之正理
遙望白雲之豐淳滄瞳瞳而亡止陽風吸習而煬煬羣
生閔懣而愁憤隴畝枯槁而允布壤石相聚而為害農
夫垂拱而無為釋其耜鉏而下涕悲壇畔之遭禍痛皇
天之靡濟

原啓梁簡文帝謝敕示苦旱詩啓曰伏以九年之水不

傷堯政七載之旱無累湯朝歲弘則公田已脩農勤則
我庾惟億今者亢陽以來爲日未久將恐督郵不黠失
在汝南之守暴齒未收無傷河南之尹而載勞興居仰
發歌詠無愛珪璧有事山川菲飲食矣加之以撤膳焉
中夜不寐加之以申旦焉此唐虞之所闕如軒頊之所
不逮

原書魏應璩與廣川長岑文瑜書曰頃者炎旱日更增
甚砂礫銷鑠草木焦卷處涼臺而有鬱蒸之煩浴寒冰
而有爍爛之燥宇宙雖廣無陰以憩雲漢之詩何以過
此土龍矯首於元寺泥人鶴立於闕里脩之歷旬靜無

徵効明勸教之術非致雨之備也知恤下民躬自暴露
拜起靈壇勤亦至矣昔夏禹之解陽旱殷湯之禱桑林
言未發而水旋流辭未卒而澤滂霈今者雲重散而復
積雨垂落而復收得無賢聖殊品優劣異姿乎

原文魏陳王曹植告咎文曰五行致災先史咸以爲應
政而作天地之氣自有變動未必政治之所興致也于
時大風發屋拔木意有感焉聊假天帝之命以誥咎祈
福其辭曰上帝有命風伯雨師夫風以動氣雨以潤時
陰陽協和庶物以滋亢陽害苗暴風傷條伊周是遇在
湯斯遭桑林旣禱慶雲克舉偃禾之復姬公走楚况我

皇德承天統民禮敬川岳祇肅百神享茲元吉釐福日
新至若炎旱赫羲颺風扇發嘉卉以萎良木以拔何谷
宜填何山應伐何靈宜論何神宜謁於是五靈振竦皇
祇赫怒招搖警怯櫬槍奮斧河伯典澤屏翳司風右呵
飛厲顧叱豐隆息颺遏暴元敕華嵩慶雲是興效厥年
豐遂乃沈陰泱北甘澤微微雨我公田爰及予私黍稷
盈疇芳草依依靈禾重穗生彼邦畿年登歲豐民無餒

飢

增

賦

唐

撰人

名

關

驕

陽

賦

曰

維

皇

穹

之

造

物

何

靈

鑒

之

不

寂然陰閉倏爾陽驕風行天而啓象水干土而成妖山

蛇則四翼呈歲日烏則三足昇朝亭臯背春兮失色草木先秋而欲凋螢飛火井蛙動陽飈嗟乎春之云滌山之方焦旱如何其農爲足恤雲祁祁而始布日杲杲而行出立嗇夫於丙丁命小童於甲乙春雷無聞奮豫夜月罕當離畢阡陌之多稔不滋堯湯之下人斯疾是則墳封孝婦東海之守非才囚繫冤囿河南之尹未黜

水澇一

增禮曰雨水不時 穀梁曰高下有水災爲大水也

水澇二

增唐志曰貞觀八年山東及江淮大水帝憂之問虞世

南世南對曰恐有冤獄枉人宜省錄纍囚 又曰神龍
元年大水詔九品以上官直言極諫宋務光上書曰切
見自夏以來水氣勃戾天下多罹其災洛水暴漲漂損
百姓傳曰簡宗廟廢祠祀則水不潤下夫王者即位必
郊祀天地嚴配祖宗自陛下御極郊廟山川不時薦見
又水者陰類臣妾之道氣盛則水泉溢頃虹蜺紛錯暑
雨滯霍陰勝之沴也後廷近習或有離中饋之政干以
外政願深思大變杜絕其萌也 又曰韓滉以戶部侍
郎判度支大曆十二年秋大雨害稼十八京兆尹黎幹
言狀滉恐有所蠲貸固表不實代宗命御史行視實損

田三萬餘頃始渭南令劉藻附滉言部田無害御史趙計按驗如藻言帝又遣御史朱敖覆實害田三千頃帝怒曰縣令所以養民而田損不問豈卹隱之意耶即貶爲南浦員外尉計亦斥爲豐州司戶員外參軍焉

水滂三

原班師

鼓衆

左傳水潦將降懼不得歸荀偃士匄請于荀罃請班師穀梁氏曰救水以鼓

衆

御船

伐鼓

漢建始三年秋京師相驚言大水至百姓奔走相蹂躪王鳳言太后上及

後宮可御船王商曰自古無道水猶不冒城郭今政化和平何由有水此必讒言俄而定鳳大慙晉書雨多

則禁祭用赤幘朱衣閉諸陰朱紫禁社伐赤鼓

用牲

免稅

秋大水鼓用牲于社于門非常

也水損免稅具旱注

懸釜

資舟

韓魏圍晉陽決晉水以灌之城巢居懸釜而炊

旱則資舟
備水災

湯湯

浩浩

書湯湯洪水方割注割害也

浩浩滔天注言漫天也

公沙穆為弘

輔已東漂沒穆

曰

出平原

徙高地

平原出水為大水

農令元壽元年三輔

巴東

漂沒穆

曰

曰

曉占乃預告百姓
徙高地遂得免

舞商羊

歌瓠子

家語齊童謠曰

天將大雨商羊

曰

鼓舞乃一足鳥舞
孔子曰齊將大水災也

漢

書曰

洪河之決瓠子帝親自塞乃為瓠子之歌

害於

於

於

於

棗盛

敗其城郭

左傳公使弔宋災曰天作淫雨害於

棗盛

月令後乃大水敗其城郭

於

於

於

於

於

城復于隍

岸變為谷

災既流行

水方洊至

洪河之決瓠子

滄海之變桑田

救水災

原

鯀堙

禹濬

書曰鯀堙洪水注堙塞也

禹貢濬畎

負薪

朱

朱

朱

朱

朱

朱

朱

捧土

漢河內決瓠子令將軍以下皆負薪塞之

朱

朱

朱

朱

朱

朱

朱

朱

朱

沈石犀

投白馬

蜀郡水災太守李冰乃刻石為犀沈

于江浦以厭洪水水乃止

漢王尊

漢王尊

漢王尊

漢王尊

漢王尊

漢王尊

字子願為東郡太守河水盈汎浸瓠子余隄尊躬率吏民投沈白馬以祭水神河伯尊執圭璧使巫祝請以身

填金隄因止

績弗成

費無已

蘇九載績用弗成賈讓言若繕完舊隄

增卑培薄勞費無已數逢其害此下策也

決九川

距四海

尚書注距至也決川使通

于海竊壤以堙

積灰而止

山海經洪水滔天鯀帝之息壤以堙洪水淮南

子曰古者四極廢九州裂大水為害於是女媧乃積蘆灰而止之故曰積灰也

除九年之災

興萬人之利

屬方割之災

軫其咨之念

軫恤

人之心 開救物之志 既有備於流行 且無虞於

昏墊 宜務資舟之備 庶無懸釜之虞 夏禹濬川

人受賜矣 臺駘障澤帝用嘉之

禹隨山濬川人到于今受其賜 金天氏

有裔子昧為元冥師生允格臺駘宣汾流障大澤帝用嘉之封諸汾州

災同瓠子莫展

計於負薪 水等孟津方效愚於捧土

水滂四

原霖

凡雨自三日已往為霖

災穀梁曰災為大水

傷稼

漢書和帝元

年十四年十五年水多漂雨傷稼

灌城詳前

堯九年

堯有九年之水

漢連

月

漢書古今注光武六年九月大雨連月苗稼更生鼠巢樹

下水上騰

苦雨數

來

淫雨早降

月令雨水不時水潦天多沈陰淫雨早降

水

潦不時

以水潦之不時天厲不戒

不辨牛馬

莊子曰秋水大至兩涯之間不辨牛馬

變於魚鼈

辨命論曰空桑之里化為魚鼈

龍鬪門外

鄭

水龍鬪于時門之外涌泉

鼠巢樹上

詳上

曾薨巢鶴

苦雨詩水鶴巢曾薨

白竈生竈

上天降災下民昏墊

墊溺也

上帝不弔

下民嗟怨 水潦方降 國乃大水

增訛言水至

船注

水氣勃戾

詳水二

三鴉谷水

五行志曰唐中宗景龍八年鄧州三鴉口

大水

救水災

原大防

大為防

遠績

功

有能俾又

堯曰洪水方割有能俾又注

不復為害

漢書王景字仲通能治水

又理也有能理水將使之

發船徙避

漢武帝時河決灌四

郡人令謁者二人發河南漕船五百艘徙人避水居丘陵九萬七千口

穿渠散患

賞議言若

乃多穿漕渠使人得以灌田分散水患雖非聖人法亦救敗之術

為魚之患

詳前禹功注

乃粒之功

禹治水畢

水滌五

增詩

宋唐庚江漲詩曰秋來雨似澆雨罷水如潮市改

歲時部

附錄類函卷二十二

水滌

十五

依高岸津喧救斷橋雲陰哭鳩婦池溢走魚天意良
難測前時旱欲焦又戊子大水詩曰踏歌雜鏡
鼓潭邊呼龍令作雨龍嗔揮水十丈餘千邨萬落幾為
魚寄謝神龍且安處熟睡深潭不驚汝又曰夜半傳
呼河入室攬衣下牀深沒膝舊來水不到譙門老巫歸
咎西門君西門君去老巫舞明年却娶河伯婦元張
養浩行水災郊外詩曰雲馭疎陰漏日華曨曨晨色散
林鴉馬前怪底猶明月路轉滿川蕎麥花方回十月
初三日水長二丈早行詩曰夜聞舟人呼江水溢二丈
岸薪隨波流救者何攘攘亥子十月交地氣不當上十

日柱礎汗蠅蚊鬪帷幌此時肯爲雪豈不兆豐穰積熱
化滂沱傾空瀉盆盎前夕適醉卧不省船背響濤聲撼
醒枕于茲發孤想炎方節候乖病叟體膚癢遑遑欲何
之曷日中國仰星斗猶粲然曉征發雙槳起視所泊處
餘燈煜蒼莽 吳萊吳中水滂詩曰客來自吳土示我
吳儂言吳儂歲苦水謂是太湖翻太湖四萬頃三江下
流洩疏淪久無人塏汙與海絕東風一鼓盪暴雷如頽
城屋靡蚌蛤上畦畎魚龍爭嘉種不得入種亦悉爛死
民事何所成食天俱在水

豐稔一

增詩曰我黍與與我稷翼翼 尚書考靈曜曰春政不失五穀孳夏政不失甘雨時季夏政不失地無菑秋政不失人民昌冬政不失少疾喪五政不失百穀稚熟日月光明 春秋元命苞曰咸池主五穀其星五者各以其職以精委爲國也 孝經援神契曰歲星守心年豐 廣雅曰年稔秋穀熟也 禮斗威儀曰君乘木而王則草木豐茂嘉穀並生

豐稔二

增穀梁傳曰宣公十六年冬大有年五穀大熟 漢記曰鮑德脩志節有名績累官爲南陽太守歲灾惟南陽

豐稔吏民愛悅號為神父 又曰建武二年秋天下野
穀滋生麻菽尤盛或生蔬菜果實野蠶成繭山民收其
絮採獲穀果以為蓄積 山海經曰鯨魚見則天下必
大穰也

豐稔三

原農夫望歲

田祖祈年

閏閏焉如農夫之望歲周禮注祈年祈豐年田祖神農

也

三時不害

五穀皆熟

左傳時和年豐梁五穀皆熟為有年

夢

魚之兆 克殷之年

詩牧人乃夢衆維魚矣衆維魚矣實惟豐年昔周饑克殷而年豐

秋成無害

歲計有餘

滯穗斯積

餘糧不收

涇水長禾黍

斥鹵生稻粱

漢書云太始二年趙中大夫白公復秦穿渠引涇水

首起谷口尾入灤陽注渭中袤二百里因名曰白渠民
得其饒歌之曰涇水一石其泥數斗且澗且薰長我禾
黍呂氏春秋魏襄王使史起為鄴令引漳水灌鄴田民
得典利為歌曰鄴有聖令為史公決漳水灌鄴旁終古
斥鹵令力田不如逢時躬稼徒欲望歲秋收三
日之困歲計十千之稅

豐稔四

原

大有

公羊有年以喜書也僅有年
亦足以當喜大有年豐稔也

多稔

詩曰豐年
多黍多稔

順成

順成之歲
年穀多熟

多稼

大田
多稼

膏澤

多豐
年

餘糧

收

而不

陳陳

困

穰穰

年穀和熟豐
穰穰人掌反

千倉

萬箱

求

千斯倉乃

補敗

以豐

當喜

詳

高下

皆熟

蓋鐵論
云周公

求萬斯箱
時天下太平丘
陵高下皆熟

一縣徧熟

益部耆舊傳曰趙瑤字元
珪為閬內令遭旱率稼史

齋戒請雨靈應

一縣穀偏熟

穀石五錢

漢書云宣帝即位歲數豐稔穀石至五錢

穀

石數錢

桓子新論云世俗咸曰漢文帝儉約脩道德躬先天下天下化之故致充實殷富穀石數十錢

米流出門

梅陶書云古人就食于安里今三州米流出門

粟敗不食

漢書云武

帝之初國家無事天下富饒太倉之粟陳陳相因至于腐敗不可食也

曾孫之稼

如梁

曾孫之積如抵如京

農夫之慶

寒溫節則年熟

晏子云景公伐魯問

無擇曰魯之年穀何如對曰陰冰厥陽冰厚五寸公不知以告晏子晏子對曰君子也問年穀而對冰禮也陰

冰厥陽冰厚五寸者寒溫節則則政

天雨穀歲大

熟京房易

天雨金歲大熟

上

容雞至則年穰

南越志云

高與縣多容雞其形似雞而五采至則年穰

龍掘見境大豐

南海記云程溪蒲口有蒲

母養龍其尾因名龍掘肘人見之則境大豐也

祭祀得宜五穀豐

禮稽命徵云天

志持部

目益頁日天

豐稔

二

子祭視天地宗廟六宗五

歲欲豐甘草先生

子野占云帝問

子野曰吾欲知歲苦樂善惡可知不

銅雀再鳴五穀

熟

魏文帝歌詩云長安城西雙園關上有

獨春鳴少

五穀熟

臨海異物志云獨春鳴聲似春鳴聲多者五穀薄鳴聲少者五穀熟

君乘木王

嘉穀並生

言豐稔一

君賢臣職五穀豐滋

京氏別對

歲

在辛酉乞漿得酒

袁子正書云

正月黃氣其歲大熟

物理論云

正月朔四方黃氣其歲大豐此黃帝用事土氣均和四方大熟

冬至見雲其鄉歲美

易通卦驗云冬至之日見雲從其鄉來歲美不災疫也

井冰厚尺冬大有年

續漢

書曰靈帝光和六年升中水厚尺餘冬大有年

米砂偏饒其方豐穰

王孚安成記云

新喻縣有水湍沸涌白沙如米兩岸各數十斛呼為米砂以之候歲若一岸偏饒者則其方之鄉豐饒也

黃雲覆車五穀大熟

東方朔別傳詳雲

開江漑田歲常豐熟

風俗通曰秦昭王使陳永為蜀郡太守開成都兩江漑田萬頃無復水旱之災歲常豐熟

亦有高

廩萬億及秭

詩傳廩所以藏齋盛之穗也數萬至萬曰億數億至億曰秭箋云亦大也萬億及秭

以言穀數多

我倉既盈我庾維億

詩傳云需積曰庾萬萬曰億箋曰陰陽和風雨

時則萬物成萬物成則倉庾充滿矣

彼有遺秉此有滯穗

詩云彼有不穫穧此有不

斂穧彼有遺秉此有滯穗伊寡婦之利傳云秉把也箋云成王之時百穀既多種同齊熟收刈促進力皆不足

而有不獲不斂遺秉滯穗故聽矜寡取之以為利

豐稔五

詩宋陸游豐歲詩曰豐歲驩聲動四鄰深秋景氣粲

如春羊腔酒擔爭迎婦鼉鼓龍船共賽神處處喜晴過

甲子家家築屋趁庚申老翁欲伴鄉閭醉先辦長衫紫
領巾 王炎豐年謠詩曰滿箔春蠶得繭絲家家機杼
換新衣五風十雨天時好又見西郊稻秫肥 又曰洞
丁徭戶盡歸耕篁竹無人弄寸兵要識二天恩德廣黃
雲千里見秋成 又曰睡鴨陂塘水漫流離離禾稼滿
平疇共言官府催科緩飽飯渾家百不憂 又曰稻如
馬尾覆溝塍桑柘陰中雞犬鳴收穫登場便無事輸租
人不入州城 楊萬里江山道中蠶麥大熟詩曰黃雲
割路幾肩歸紫玉炊香一飯肥却破麥田秧晚稻來教
水牯卧斜暉 又曰新晴戶戶有歡顏灑繭攤絲立地

乾却遣縲車聲獨怨今年不及去年間

凶荒一

增禮記曰凶年則乘駑馬祀以下牲 穀梁傳曰一穀

不熟謂之歉二穀不熟謂之饑三穀不熟謂之饑 夏

歸藏曰士無兼年之食遇天饑妻子非其妻子也大夫

無兼年之食國無兼年之食遇天饑百姓非所有也戒

之哉遇天饑輿馬臣妾非其有也 周書曰天有四殃

水旱饑荒其至無時非積畜何以待之 漢書曰歲饑

民貧卒食半菽 墨子曰百穀不收謂之旱三穀不收

謂之凶四穀不收謂之餽音五穀不收謂之饑 淮南

子曰畜者欲歲之荒饑 博物志曰荒年暫辟穀法但食蠟半斤輒支十日不飢 河圖曰日月兩重暈者飢之祥也

凶荒二

增左傳曰五年春無冰梓慎曰今茲宋其饑乎歲在星紀而淫于元枵以有時灾陰不堪陽蛇乘龍龍宋鄭之星也宋鄭必饑 又曰宋公子鮑禮于國人宋饑竭其粟以貸之年自七十以上無不饋飴也 漢書曰漢興接秦之弊諸侯並起民失作業而大饑饉米石五千人相食死者過半 又曰元帝二年齊地饑米石三千餘

英雄記曰幽州歲不登人相食有蝗旱之灾民人始知採稻以棗椹爲糧穀一石十萬錢公孫伯圭開置屯田稍稍得自供給 又曰建安七年鄴中大饑穀一石二萬錢 應豫立贊序曰王莽居攝以病告歸後赤眉賊攻其所居城糧盡以私穀數千萬斛賑城中數萬民莫不稱其仁 謝承後漢書曰趙典兄子溫遭歲大饑散家糧以賑窮餓所活萬餘人 王隱晉書曰永嘉五年洛中大饑五月摯虞飢死 崔鴻三十國春秋曰諸州自建武元年十一月不雨雪至十二年八月穀價踴貴金斤直米二升爲流民者十有五六百姓嗷嗷人無

生賴 又曰建元元年襄國大饑穀二升直銀一斤肉一斤直銀一兩 晉書劉琨與丞相牋曰夏則桑椹冬則瑩豆視此哀歎使人氣盡 又大興元年詔曰亢旱穀貴百姓嗷嗷有資者貴糴貧羸之民益困漢世穀貴官賤糴使價不超越謂之平準今雖無此可出關米萬斛使三分減一以平其價令貧困者悉得足以至秋也 袁子正問滑釐曰今當凶年有欲與子隋侯之珠者又有欲與子一鍾之粟者子將何擇釐曰吾取粟可以救窮 六帖曰帝幸東都詔孝敬皇帝監國時關中饑孝敬皇帝視廡下兵食有榆皮蓬食者帝悄然命家令

寺給米 又曰李勣破王世充密署東海郡公是時河
南山東大水隋帝令飢人就食黎陽倉吏不時發死者
日數萬 又曰楊於陵遷浙東觀察使越人飢請出米
三十萬石贍貧民 又曰長慶中浙東災癘拜丁公著
觀察使詔賜米七萬斛使賑飢用 又曰宋璟檢校貝
州刺史時河北水歲大饑三思使斂封植璟拒不與故
為所擠 五代史曰晉高祖皇后從帝北出行沙磧中
飢不得食遣隨行宮女從官採木實野蔬而食

凶荒三

原國虛

人散

五穀不熟其國乃虛
周禮野荒人散

困篋空

瓜麥

盡

國語云越大夫種謀曰今吳既罷而荒大荐饑市無赤米而困篋空虛其民必移就食蒲羸于東海之濱

案注

云圓者為困方者為害

金斤斗粟

米斛萬錢

東觀

篋

詳后蟲鼠為害註

漢記

云王莽末天下旱連年穀不成建武元年耕作者

少民饑饉

黃金一斤易粟一斗

漢書高祖二年關中

大饑米斛萬錢

凶荒四

原荐饑

左傳曰晉荐饑使乞糴於秦秦伯問百里奚與諸乎對曰天災流行國家代有救災恤鄰道也

行道有福

仍饑

見上

荒政

周禮以荒政十二聚萬民一曰散利注謂糧食也二曰聚萬民一曰

謂輕租稅

三曰緩刑

四曰弛力

注謂息力役五曰舍禁

注公無私禁

六曰去幾

注去關市之征

七曰省禮注謂

省吉禮

八曰殺哀

注謂省凶禮

九曰蕃樂注藏樂器不

作十日多昏

注不備禮而昏

娶十一曰索鬼

神注求廢

祀而脩

十二曰除盜

賊

荒式

太宰以九式均節財用

注饑則多盜不可不去

節度也荒

荒禮

凶年之禮

天災

天災流行國家代有

力政

則力

政不均注地亦

貶食

文仲曰貶食省用

就穀

禮

不平計地稅也

用凡

民食上歲人四鬴中歲人三鬴

下二鬴若食人不能二鬴則移人就穀注四鬴三鬴

米也

輸粟

有周禮大荒令邦國移人人

調委

凶荒令

委

施舍

施恩惠

棄責

國語天災則棄責薄斂市無

已責

止逋責

大殺

殺不登年雖大殺衆

易供

則乘

駑馬祀以下牲

九穀不登

政書云比年九穀不登

三麥不收

曹植云太和三年大旱

蜂食民苗

洪範五

秦昭王三十八年上郡大饑饉

蟲鼠為害

王洽臨吳

木盡死蜂食民苗民無所食

前民辭求相鬻賣一則救民也二則供官也

民飢

今之要當課功受業又蟲鼠為害瓜麥已盡也

告糶

國語云魯饑臧文仲以玉磬如齊告糶

民飢噉弩

東觀漢記云隗

噉弩

以玉磬如齊告糶

民多饑饉

東觀漢記云王莽末南方枯

菜食

汝南先賢傳曰袁安為陰平長時年

米石二千

民皆

又云

王莽時雜陽米石二千遣

士食藻菜

東觀漢記赤眉還入

長安

鄧禹與戰敗走至高

民食桑榆

魏太尉司馬懿

五穀

又無蔬菜比萬

藜藿給食

典略云從興平元年

歲成

陽蕭條亂賊李淮等始將部曲入長安居

桑椹

東觀漢記曰王

為糧

英雄記云五穀不登

人民相食

東觀漢記曰王

相食

戰士相噉

膳不祭肺

穀不登

君膳

不祭肺

食不兼味

歲凶君食不兼味廷道不除

注不穀

指也

百官布而不制鬼神禱而不除

祭

祭祀不懸

馬不食穀馳道不除祭祀不懸注不懸徹樂也

山澤不賦

年

順成則天子素服乘素車食無樂君衣布摺木關梁不相山澤列而不賦土功不興大夫不得造車馬也

木實為酪

王莽時南方枯旱穀翔踴使民煮木實為酪又不可食重為煩擾注為杏酪之屬也

桑榆為飯

後漢袁術在壽春百姓以桑榆為飯

民卒流亡

詩曰瘼我饑饉民卒流亡

注瘼病也

年無儲蓄

風雨不節

則饑

天時不齊

詳旱

人

得就食

漢關中饑高祖令人得賣子就食蜀漢

軍無見糧

祈年不應

歲惡不入

四阻防饑

百姓艱食

水旱為災

烝黎孔疚

室如懸磬

野無青草

穀斛五十萬

英雄

記云李灌等相攻戰長安中盜賊不禁白日擄掠是時穀一斛五十萬豆麥二萬人相食

掘野鼠

食之

晉中興書云中原亂徐龕石勒左右交侵百姓饑餓野無生草時或掘野鼠捕蟄鷺而食之

歲時部

凶荒

掘菑茨食之

東觀漢記詳前

大夫糟糠不足

吳志云駱統字公緒八歲時饑

荒鄉里及遠方客多有困乏統為之飲食衰少其姊仁愛有行寡居無子見統甚哀之數問其故統曰士大夫

糟糠不足我何心獨飽

士卒菜菽雜半

漢書曰宋義遣其子襄相

齊身送之無鹽飲酒高會天寒大雨士卒飢凍項羽曰將戮力而攻秦久留不行今歲饑民貧卒食半菽軍無

見糧廼飲酒高會不恤士卒而徇私宴非社稷之臣也注云士卒食蔬菜以菽雜半之

發苑果

以活民

韓子云秦大饑應侯請發五苑果棗粟以活民

開倉廩以賑民

魏志云黃

初三年民饑使尚書杜畿持節開倉廩以賑民

一穀不升謂之嗛

二穀不

升謂之饑

三穀不升謂之饑

四穀不升謂之康

五穀不升謂大侵

並穀梁傳

凶札無關門之征

周禮司關職掌國貨

之節以聯門市凡貨不出于關者舉其貨罰其人國凶札則無關門之征

年饑無充庭之

戲

續漢書云永初四年詔比年饑加有軍旅且勿設戲作樂正旦無陳充庭車也

天有四殃

水旱饑荒

周禮

天既喪亂饑饉荐臻

毛詩注曰荐重也臻至也

穀

不熟為饑蔬不熟為饑

爾雅云穀不熟曰饑蔬不熟曰饑果不熟為荒仍饑為薦

人飢

增首陽

伯夷叔齊餓于首陽之下

翳桑

趙宣子初田於首山舍於翳桑見靈輒餓

曰不食三日矣與之簞食後倒戈以報宣子

道殣

相望注殣餓死也

野殍

孟子野有

殍

食雀穀

史王父餓餒而食雀穀注王父趙武靈王也

食蒲羸

抱子

棄

文選路逢餓婦人抱子棄草間

易子食

楚人圍宋宋易子而食

師不宿飽

樵蘇後

士有饑色

漢書千里饋糶士有饑色

不食嗟來

齊大饑黔敖為

黔敖

于路以待餓者而食之有餓者蒙袂輯屣買然來黔敖左奉食右執飲曰嗟來食餓者揚其目而視之曰

死

曾子問之曰微與其嗟也可去其謝也可食注買買

目不
明貌

何心獨飽

吳志駱
統詳前

怒如調飢

詩
囂然思食

文選

不飢何爲

有餒而已

衛甯惠子曰吾有
餒而已不來食之

室家

相棄

父子相食

漢河內饑父子相食
汲黯開倉而賑之

隱民多取食

隱困
窮也

從者莫能興

論語在陳絕糧
從者病莫能興

凶荒五

增詩元戴表元剡民飢詩曰剡民飢山前山後尋蕨其

屬其得粉不滿掬皮膚皴裂十指禿皮皴指禿不敢辭

阿翁三日不供糜不如拋家去作挽船士却得家人請

官米 張養浩哀流民操曰哀哉流民爲鬼非鬼爲人

非人哀哉流民男子無縕袍婦女無完裙哀哉流民剝

樹食其皮掘草食其根哀哉流民晝行絕煙火夜宿依
星辰哀哉流民父不子厥子子不親厥親哀哉流民言
辭不忍聽號哭不忍聞哀哉流民朝不敢保夕莫不敢
保晨哀哉流民死者已滿路生者與鬼鄰哀哉流民一
女易斗粟一兒錢數文哀哉流民甚至不得將割愛委
路塵哀哉流民何時天雨粟使女俱生存哀哉流民

淵鑑類函卷二十二